

ओं नमः परमात्मने, श्री महागणपतये नमः

श्री गुरुभ्यो नमः

हरिः ओं

कृष्ण यजुर्वेदीय तैत्तिरीय संहिता क्रम पाठः

चतुर्थ काण्डे – सप्तमः प्रश्नः

Table of Contents

4 कृष्ण यजुर्वेदीय तैत्तिरीय संहिता क्रम पाठः	3
4.7 चतुर्थ काण्डे सप्तमः प्रश्नः- वसोर्धारादिशिष्टसम्काराभिधानम्.....	3

=====

ओं नमः परमात्मने, श्री महागणपतये नमः

श्री गुरुभ्यो नमः, हरिः ओं

4 कृष्ण यजुर्वेदीय तैत्तिरीय संहिता क्रम पाठः

4.7 चतुर्थ काण्डे सप्तमः प्रश्नः—

वसोर्धारादिशिष्टसम्स्काराभिधानम्

T.S.4.7.1.1 - Kramam

अ॒ग्ना॒वि॒ष्णू॒ स॒जोष॑सा । अ॒ग्ना॒वि॒ष्णू॒ इत्य॑ग्ना॒ – वि॒ष्णू॒ ॥
स॒जोष॑से॒माः । स॒जोष॑सेति॑ स – जोष॑सा । इ॒मा व॑र्द्धन्तु । व॒र्द्धन्तु॑
वा॒म् । वा॒ङ्गिरः॑ । गिर॑ इति॑ गिरः॑ । द्यु॒म्नैर् वा॑जेभिः । वा॒जेभि॑रा ।
आ ग॑तम् । ग॒तमि॑ति गतम् ॥ वा॒जश्च॑ । च॒ मे॒ । मे॒ प्र॒स॒वः । प्र॒स॒वश्च॑ ।
प्र॒स॒व इति॑ प्र – स॒वः । च॒ मे॒ । मे॒ प्र॒य॒तिः । प्र॒य॒तिश्च॑ । प्र॒य॒तिरि॑ति
प्र – य॒तिः । च॒ मे॒ । मे॒ प्र॒सि॑तिः । प्र॒सि॑तिश्च । प्र॒सि॑तिरि॒ति
प्र – सि॒तिः । च॒ मे॒ । मे॒ धी॒तिः । धी॒तिश्च॑ । च॒ मे॒ । मे॒ क्र॒तुः ।
क्र॒तुश्च॑ । च॒ मे॒ । मे॒ स्वरः॑ । स्वरश्च॑ । च॒ मे॒ । मे॒ श्लो॑कः ।
श्लो॑कश्च । च॒ मे॒ । मे॒ श्रा॒वः । श्रा॒वश्च॑ । च॒ मे॒ । मे॒ श्रु॑तिः ।

श्रुतिश्च । च मे । मे ज्योतिः । ज्योतिश्च । च मे । मे सुवः ।
 सुवश्च । च मे । मे प्राणः । प्राणश्च । प्राण इति प्र-अनः । च मे ।
 मेऽपानः । अपानश्च । अपान इत्यप - अनः । 1 (50/5)

T.S.4.7.1.2 - Kramam

च मे । म व्यानः । व्यानश्च । व्यान इति वि - अनः । च मे ।
 मेऽसुः । असुश्च । च मे । मे चित्तम् । चित्तम् च । च मे ।
 म आधीतम् । आधीतम् च । आधीतमित्या - धीतम् । च मे ।
 मे वाक् । वाक् च । च मे । मे मनः । मनश्च । च मे । मे चक्षुः ।
 चक्षुश्च । च मे । मे श्रोत्रम् । श्रोत्रम् च । च मे । मे दक्षः ।
 दक्षश्च । च मे । मे बलम् । बलम् च । च मे । म ओजः ।
 ओजश्च । च मे । मे सहः । सहश्च । च मे । म आयुः । आयुश्च ।
 च मे । मे जरा । जरा च । च मे । म आत्मा । आत्मा च । च मे ।
 मे तनूः । तनूश्च । च मे () । मे शर्म । शर्म च । च मे । मे वर्म ।
 वर्म च । च मे । मेऽङ्गानि । अङ्गानि च । च मे । मेऽस्थानि ।
 अस्थानि च । च मे । मे परूष्णि । परूष्णि च । च मे ।

मे॒ शरी॑राणि । शरी॑राणि च । च॒ मे॒ । म॒ इति॑ मे ॥ 2 (68/70)

(अ॒पा॒न – स्त॒नू॒श्च॑ मे॒ – ष॒ष्टा॒द॒श॑ च) (A1)

T.S.4.7.2.1 - Kramam

ज्यै॑ष्ठ्यम् च । च॒ मे॒ । म॒ आधि॑पत्यम् । आधि॑पत्यम् च ।
 आधि॑पत्यमि॒त्याधि॑ – प॒त्यम् । च॒ मे॒ । मे॒ म॒न्युः । म॒न्युश्च॑ । च॒ मे॒ ।
 मे॒ भा॒मः । भा॒मश्च॑ । च॒ मे॒ । मे॒ऽमः॑ । अ॒मश्च॑ । च॒ मे॒ । मे॒ऽम्भः॑ ।
 अ॒म्भश्च॑ । च॒ मे॒ । मे॒ जे॒मा । जे॒मा च॑ । च॒ मे॒ । मे॒ म॒हि॒मा ।
 म॒हि॒मा च॑ । च॒ मे॒ । मे॒ व॒रि॒मा । व॒रि॒मा च॑ । च॒ मे॒ । मे॒ प्र॒थि॒मा ।
 प्र॒थि॒मा च॑ । च॒ मे॒ । मे॒ व॒र्ष्मा । व॒र्ष्मा च॑ । च॒ मे॒ । मे॒ द्रा॒घु॒या ।
 द्रा॒घु॒या च॑ । च॒ मे॒ । मे॒ वृ॒द्धम् । वृ॒द्धम् च॑ । च॒ मे॒ । मे॒ वृ॒द्धिः॑ ।
 वृ॒द्धिश्च॑ । च॒ मे॒ । मे॒ स॒त्यम् । स॒त्यम् च॑ । च॒ मे॒ । मे॒ श्र॒द्धा ।
 श्र॒द्धा च॑ । श्र॒द्धेति॑ श्रत् – धा । च॒ मे॒ । मे॒ जग॑त् ।
 जग॑च् च । च॒ मे॒ । 3 (50/52)

T.S.4.7.2.2 - Kramam

मे॒ धन॑म् । धन॑म् च । च॒ मे॒ । मे॒ व॒शः॑ । व॒शश्च॑ । च॒ मे॒ ।
 मे॒ त्वि॑षिः । त्वि॑षिश्च । च॒ मे॒ । मे॒ क्री॒डा । क्री॒डा च॑ । च॒ मे॒ ।

मे॒ मोदः॑ । मोद॑श्च । च॒ मे॒ । मे॒ जा॒तम् । जा॒तम् च॑ । च॒ मे॒ ।
मे॒ ज॒नि॒ष्य॒माणम् । ज॒नि॒ष्य॒माणम् च॑ । च॒ मे॒ । मे॒ सू॒क्तम् ।
सू॒क्तम् च॑ । सू॒क्तमि॒ति सु॑ - उ॒क्तम् । च॒ मे॒ । मे॒ सु॒कृ॒तम् ।
सु॒कृ॒तम् च॑ । सु॒कृ॒तमि॒ति सु॑ - कृ॒तम् । च॒ मे॒ । म॒ वि॒त्तम् ।
वि॒त्तम् च॑ । च॒ मे॒ । मे॒ वे॒द्यम् । वे॒द्यम् च॑ । च॒ मे॒ । मे॒ भू॒तम् ।
भू॒तम् च॑ । च॒ मे॒ । मे॒ भ॒वि॒ष्यत् । भ॒वि॒ष्यच् च॑ । च॒ मे॒ । मे॒ सु॒गम् ।
सु॒गम् च॑ । सु॒गमि॒ति सु॑-गम् । च॒ मे॒ । मे॒ सु॒प॒थम् । सु॒प॒थम् च॑ ।
सु॒प॒थमि॒ति सु॑ - प॒थम् । च॒ मे॒ । म॒ ऋ॒द्धम् । ऋ॒द्धम् च॑ । च॒ मे॒ ।
म॒ ऋ॒द्धिः () । ऋ॒द्धिश्च॑ । च॒ मे॒ । मे॒ क्लृ॒प्तम् । क्लृ॒प्तम् च॑ ।
च॒ मे॒ । मे॒ क्लृ॒प्तिः । क्लृ॒प्तिश्च॑ । च॒ मे॒ । मे॒ म॒तिः । म॒तिश्च॑ ।
च॒ मे॒ । मे॒ सु॒म॒तिः । सु॒म॒तिश्च॑ । सु॒म॒तिरि॒ति सु॑ - म॒तिः । च॒ मे॒ ।
म॒ इति॑ मे ॥ 4 (64/69)

(जग॑च्च - ऋ॑ - श्चतु॑र्दश च) (A2)

T.S. 4.7.3.1 - Kramam

शम् च॑ । च॒ मे॒ । मे॒ म॒यः । म॒यश्च॑ । च॒ मे॒ । मे॒ प्रि॒यम् । प्रि॒यम् च॑ ।
च॒ मे॒ । मे॒ अ॒नु॒का॒मः । अ॒नु॒का॒मश्च॑ । अ॒नु॒का॒म इत्य॑नु - का॒मः ।

चतुर्थ काण्डे – सप्तमः प्रश्नः – (TS 4.7)

च॒ मे॒ । मे॒ का॒मः॑ । का॒मश्च॑ । च॒ मे॒ । मे॒ सौ॒म॒न॒सः॑ । सौ॒म॒न॒सश्च॑ ।
च॒ मे॒ । मे॒ भ॒द्रम् । भ॒द्रम् च॑ । च॒ मे॒ । मे॒ श्रे॒यः॑ । श्रे॒यश्च॑ । च॒ मे॒ ।
मे॒ व॒स्यः॑ । व॒स्यश्च॑ । च॒ मे॒ । मे॒ य॒शः॑ । य॒शश्च॑ । च॒ मे॒ । मे॒ भ॒गः॑ ।
भ॒गश्च॑ । च॒ मे॒ । मे॒ द्र॒वि॒णम् । द्र॒वि॒णम् च॑ । च॒ मे॒ । मे॒ य॒न्ता॑ ।
य॒न्ता च॑ । च॒ मे॒ । मे॒ ध॒र्त्ता॑ । ध॒र्त्ता च॑ । च॒ मे॒ । मे॒ क्षे॒मः॑ । क्षे॒मश्च॑ ।
च॒ मे॒ । मे॒ धृ॒तिः॑ । धृ॒तिश्च॑ । च॒ मे॒ । मे॒ वि॒श्वम् । वि॒श्वम् च॑ ।

च॒ मे॒ । 5 (50/51)

T.S. 4.7.3.2 - Kramam

मे॒ म॒हः॑ । म॒हश्च॑ । च॒ मे॒ । मे॒ स॒म्वि॑त् । स॒म्वि॑च् च॑ । स॒म्वि॑दिति॑
स॒म् – वि॑त् । च॒ मे॒ । मे॒ ज्ञा॒त्रम् । ज्ञा॒त्रम् च॑ । च॒ मे॒ । मे॒ सूः॑ ।
सू॑श्च॑ । च॒ मे॒ । मे॒ प्र॒सूः॑ । प्र॒सूश्च॑ । प्र॒सू॒रिति॑ प्र – सूः॑ । च॒ मे॒ ।
मे॒ सी॒रम् । सी॒रम् च॑ । च॒ मे॒ । मे॒ ल॒यः॑ । ल॒यश्च॑ । च॒ मे॒ । म॒ ऋ॒तम् ।
ऋ॒तम् च॑ । च॒ मे॒ । मे॒ऽमृ॒तम् । अ॒मृ॒तम् च॑ । च॒ मे॒ । मे॒ऽय॒क्ष्मम् ।
अ॒य॒क्ष्मम् च॑ । च॒ मे॒ । मे॒ऽना॒म॒यत् । अ॒ना॒म॒यच्च॑ । च॒ मे॒ ।
मे॒ जी॒वा॒तुः॑ । जी॒वा॒तुश्च॑ । च॒ मे॒ । मे॒ दी॒र्घा॒यु॒त्वम् । दी॒र्घा॒यु॒त्वम् च॑ ।
दी॒र्घा॒यु॒त्वमि॑ति दी॒र्घा॒यु – त्वम् । च॒ मे॒ । मे॒ऽन॒मि॒त्रम् ।

अ॒न॒मि॒त्रम् च॑ । च॒ मे॒ । मे॒ऽभ॒यम् ।

अ॒भ॒यम् च॑ । च॒ मे॒ । मे॒ सु॒गम् । सु॒गम् च॑ । सु॒गमि॑ति सु – गम् ।

च॒ मे॒ । मे॒ श॒यन॑म् () । श॒यन॑म् च॑ । च॒ मे॒ । मे॒ सू॒षा । सू॒षा च॑ ।

सू॒षेति॑ सु – उ॒षा । च॒ मे॒ । मे॒ सु॒दिन॑म् । सु॒दिन॑म् च॑ ।

सु॒दिन॑मि॒ति सु॒ – दि॒नम् । च॒ मे॒ । म॒ इति॑ मे ॥ 6 (58/64)

(वि॒श्वम् च॑ – श॒यन॑ – म॒ष्टौ च॑) (A3)

T.S. 4.7.4.1 - Kramam

ऊ॒र्क् च॑ । च॒ मे॒ । मे॒ सू॒नृता॑ । सू॒नृता॑ च॑ । च॒ मे॒ । मे॒ प॒यः॑ ।

प॒यश्च॑ । च॒ मे॒ । मे॒ र॒सः॑ । र॒सश्च॑ । च॒ मे॒ । मे॒ घृ॒तम् । घृ॒तम् च॑ ।

च॒ मे॒ । मे॒ म॒धु । म॒धु च॑ । च॒ मे॒ । मे॒ स॒ग्धिः॑ । स॒ग्धिश्च॑ । च॒ मे॒ ।

मे॒ स॒पी॒तिः॑ । स॒पी॒तिश्च॑ । स॒पी॒तिरि॒ति स॒ – पी॒तिः॑ । च॒ मे॒ ।

मे॒ कृ॒षिः॑ । कृ॒षिश्च॑ । च॒ मे॒ । मे॒ वृ॒ष्टिः॑ । वृ॒ष्टिश्च॑ । च॒ मे॒ ।

मे॒ जै॒त्रम् । जै॒त्रम् च॑ । च॒ मे॒ । म॒ औ॒द्भि॒द्यम् । औ॒द्भि॒द्यम् च॑ ।

औ॒द्भि॒द्यमि॒त्यौत् – भि॒द्यम् । च॒ मे॒ । मे॒ र॒यिः॑ । र॒यिश्च॑ । च॒ मे॒ ।

मे॒ रा॒यः॑ । रा॒यश्च॑ । च॒ मे॒ । मे॒ पु॒ष्टम् । पु॒ष्टम् च॑ । च॒ मे॒ । मे॒ पु॒ष्टिः॑ ।

पु॒ष्टिश्च॑ । च॒ मे॒ । मे॒ वि॒भु॒ । वि॒भु॒ च॒ । वि॒भ्वि॒ति॒ वि॒ – भु॒ ।

च॒ मे॒ । 7 (50/53)

T.S. 4.7.4.2 - Kramam

मे॒ प्र॒भु॒ । प्र॒भु॒ च॒ । प्र॒भ्वि॒ति॒ प्र॒ – भु॒ । च॒ मे॒ । मे॒ ब॒हु॒ । ब॒हु॒ च॒ ।
 च॒ मे॒ । मे॒ भू॒यः॑ । भू॒यश्च॑ । च॒ मे॒ । मे॒ पू॒र्णम्॑ । पू॒र्णम्॑ च॒ । च॒ मे॒ ।
 मे॒ पू॒र्ण॒तर॑म् । पू॒र्ण॒तर॑म् च॒ । पू॒र्ण॒तर॑मि॒ति॒ पू॒र्ण॒ – त॒रम्॑ । च॒ मे॒ ।
 मे॒ऽक्षि॑तिः । अ॒क्षि॑तिश्च॑ । च॒ मे॒ । मे॒ कू॒यवाः॑ । कू॒यवा॑श्च॑ । च॒ मे॒ ।
 मे॒ऽन्न॑म् । अ॒न्नम्॑ च॒ । च॒ मे॒ । मे॒ऽक्षु॑त् । अ॒क्षुच्॑ च॒ । च॒ मे॒ । मे॒
 व्री॒हयः॑ । व्री॒हय॑श्च॑ । च॒ मे॒ । मे॒ यवाः॑ । यवा॑श्च॑ । च॒ मे॒ । मे॒ मा॒षाः॑ ।
 मा॒षाश्च॑ । च॒ मे॒ । मे॒ ति॒लाः॑ । ति॒लाश्च॑ । च॒ मे॒ । मे॒ मु॒द्गाः॑ ।
 मु॒द्गाश्च॑ । च॒ मे॒ । मे॒ ख॒ल्वाः॑ । ख॒ल्वाश्च॑ । च॒ मे॒ । मे॒ गो॒धूमाः॑ ।
 गो॒धूमा॑श्च॑ । च॒ मे॒ । मे॒ म॒सुराः॑ () । म॒सुरा॑श्च॑ । च॒ मे॒ ।
 मे॒ प्रि॒यङ्ग॑वः । प्रि॒यङ्ग॑वश्च॑ । च॒ मे॒ । मे॒ऽण॑वः । अ॒णव॑श्च॑ । च॒ मे॒ ।
 मे॒ श्या॒माकाः॑ । श्या॒माका॑श्च॑ । च॒ मे॒ । मे॒ नी॒वाराः॑ । नी॒वारा॑श्च॑ ।
 च॒ मे॒ । म॒ इति॑ मे ॥ 8 (64/66)

(वि॒भु॒ च॑ – म॒सुरा॑ – श्व॒तु॒र्द॒श॑ च॑) (A4)

T.S. 4.7.5.1 - Kramam

अ॒श्मा च । च॒ मे । मे॒ मृ॒त्ति॒का । मृ॒त्ति॒का च । च॒ मे । मे॒ गि॒रयः॑ ।
गि॒रयश्च॑ । च॒ मे । मे॒ पर्व॑ताः । पर्व॑ताश्च । च॒ मे । मे॒ सि॒कताः॑ ।
सि॒कताश्च॑ । च॒ मे । मे॒ वन॑स्पतयः । वन॑स्पतयश्च । च॒ मे ।
मे॒ हि॒रण्य॑म् । हि॒रण्य॑म् च । च॒ मे । मे॒ऽयः॑ । अ॒यश्च॑ । च॒ मे ।
मे॒ सी॒सम् । सी॒सम् च॑ । च॒ मे । मे॒ त्र॒पु । त्र॒पुश्च॑ । च॒ मे ।
मे॒ श्या॒मम् । श्या॒मम् च॑ । च॒ मे । मे॒ लो॒हम् । लो॒हम् च॑ । च॒ मे ।
मे॒ऽग्निः॑ । अ॒ग्निश्च॑ । च॒ मे । म॒ आपः॑ । आ॒पश्च॑ । च॒ मे ।
मे॒ वी॒रुधः॑ । वी॒रुधश्च॑ । च॒ मे । म॒ ओष॑धयः । ओष॑धयश्च । च॒ मे ।
मे॒ कृ॒ष्ट॒प॒च्य॑म् । कृ॒ष्ट॒प॒च्य॑म् च () । कृ॒ष्ट॒प॒च्य॑मि॒ति कृ॒ष्ट - प॒च्य॑म् ।
च॒ मे । ९ (50/51)

T.S. 4.7.5.2 - Kramam

मे॒ऽकृ॒ष्ट॒प॒च्य॑म् । अ॒कृ॒ष्ट॒प॒च्य॑म् च॑ । अ॒कृ॒ष्ट॒प॒च्य॑मि॒त्यकृ॒ष्ट - प॒च्य॑म् ।
च॒ मे । मे॒ ग्रा॒म्याः॑ । ग्रा॒म्याश्च॑ । च॒ मे । मे॒ प॒शवः॑ । प॒शव आ॒र॒ण्याः॑ ।
आ॒र॒ण्याश्च॑ । च॒ य॒ज्ञेन॑ । य॒ज्ञेन॑ क॒ल्प॒न्ता॒म् । क॒ल्प॒न्ता॒म् वि॒त्त॒म् ।
वि॒त्त॒म् च॑ । च॒ मे । मे॒ वि॒त्तिः॑ । वि॒त्तिश्च॑ । च॒ मे । मे॒ भू॒त॒म् ।

चतुर्थ काण्डे – सप्तमः प्रश्नः – (TS 4.7)

भू॒तम् च॑ । च॒ मे॒ । मे॒ भू॒तिः । भू॒तिश्च॑ । च॒ मे॒ । मे॒ वसु॑ । वसु॑ च॑ ।
च॒ मे॒ । मे॒ वस॑तिः । वस॑तिश्च॑ । च॒ मे॒ । मे॒ कर्म॑ । कर्म॑ च॑ । च॒ मे॒ ।
मे॒ शक्तिः॑ । शक्तिश्च॑ । च॒ मे॒ । मे॒ऽर्त्थः॑ । अ॒र्त्थश्च॑ । च॒ मे॒ । म॒ ए॒मः ।
ए॒मश्च॑ । च॒ मे॒ । म॒ इतिः॑ । इतिश्च॑ । च॒ मे॒ । मे॒ गतिः॑ । गतिश्च॑ ।
च॒ मे॒ । म॒ इति॑ मे ॥ 10 (48/49)

(कृ॒ष्ट॒प॒च्यम् चा॑ – ऽष्टा॑च॒त्वारि॑ंशच्च) (A5)

T.S. 4.7.6.1 - Kramam

अ॒ग्निश्च॑ । च॒ मे॒ । म॒ इन्द्रः॑ । इन्द्रश्च॑ । च॒ मे॒ । मे॒ सोमः॑ । सोमश्च॑ ।
च॒ मे॒ । म॒ इन्द्रः॑ । इन्द्रश्च॑ । च॒ मे॒ । मे॒ स॒विता॑ । स॒विता॑ च॑ ।
च॒ मे॒ । म॒ इन्द्रः॑ । इन्द्रश्च॑ । च॒ मे॒ । मे॒ स॒रस्वती॑ । स॒रस्वती॑ च॑ ।
च॒ मे॒ । म॒ इन्द्रः॑ । इन्द्रश्च॑ । च॒ मे॒ । मे॒ पू॒षा । पू॒षा च॑ । च॒ मे॒ ।
म॒ इन्द्रः॑ । इन्द्रश्च॑ । च॒ मे॒ । मे॒ बृ॒ह॒स्पतिः॑ । बृ॒ह॒स्पतिश्च॑ । च॒ मे॒ ।
म॒ इन्द्रः॑ । इन्द्रश्च॑ । च॒ मे॒ । मे॒ मि॒त्रः । मि॒त्रश्च॑ । च॒ मे॒ । म॒ इन्द्रः॑ ।
इन्द्रश्च॑ । च॒ मे॒ । मे॒ वरु॑णः । वरु॑णश्च॑ । च॒ मे॒ । म॒ इन्द्रः॑ । इन्द्रश्च॑ ।
च॒ मे॒ । मे॒ त्व॒ष्टा । त्व॒ष्टा च॑ । च॒ मे॒ । 11 (50/50)

T.S. 4.7.6.2 - Kramam

म॒ इन्द्रः॑ । इन्द्रश्च॑ । च॒ मे॒ । मे॒ धा॒ता । धा॒ता च॑ । च॒ मे॒ । म॒ इन्द्रः॑ ।
 इन्द्रश्च॑ । च॒ मे॒ । मे॒ विष्णुः॑ । विष्णुश्च॑ । च॒ मे॒ । म॒ इन्द्रः॑ । इन्द्रश्च॑ ।
 च॒ मे॒ । मे॒ऽश्विनौ॑ । अ॒श्विनौ च॑ । च॒ मे॒ । म॒ इन्द्रः॑ । इन्द्रश्च॑ । च॒ मे॒ ।
 मे॒ म॒रुतः॑ । म॒रुतश्च॑ । च॒ मे॒ । म॒ इन्द्रः॑ । इन्द्रश्च॑ । च॒ मे॒ । मे॒ विश्वे॑ ।
 विश्वे॑ च॑ । च॒ मे॒ । मे॒ दे॒वाः । दे॒वा इन्द्रः॑ । इन्द्रश्च॑ । च॒ मे॒ ।
 मे॒ पृ॒थि॒वी । पृ॒थि॒वी च॑ । च॒ मे॒ । म॒ इन्द्रः॑ । इन्द्रश्च॑ । च॒ मे॒ ।
 मे॒ऽन्तरिक्षम्॑ । अ॒न्तरिक्षम् च॑ । च॒ मे॒ । म॒ इन्द्रः॑ । इन्द्रश्च॑ । च॒ मे॒ ।
 मे॒ द्यौः॑ । द्यौश्च॑ । च॒ मे॒ () । म॒ इन्द्रः॑ । इन्द्रश्च॑ । च॒ मे॒ । मे॒ दि॒शः॑ ।
 दि॒शश्च॑ । च॒ मे॒ । म॒ इन्द्रः॑ । इन्द्रश्च॑ । च॒ मे॒ । मे॒ मूर्द्धा॑ । मूर्द्धा च॑ ।
 च॒ मे॒ । म॒ इन्द्रः॑ । इन्द्रश्च॑ । च॒ मे॒ । मे॒ प्र॒जाप॒तिः । प्र॒जाप॒तिश्च॑ ।
 प्र॒जाप॒तिरि॒ति प्र॒जा – प॒तिः॑ । च॒ मे॒ । म॒ इन्द्रः॑ । इन्द्रश्च॑ । च॒ मे॒ ।
 म॒ इति॑ मे ॥ 12 (71/72)

(त्वष्टा॑ च – द्यौश्च॑ म – एक॑विंशतिश्च) (A6)

T.S. 4.7.7.1 - Kramam

अ॒ञ्शु॑श्च । च॒ मे॒ । मे॒ र॒श्मिः॑ । र॒श्मि॑श्च । च॒ मे॒ । मे॒ऽदा॑भ्यः ।
 अ॒दा॑भ्यश्च । च॒ मे॒ । मे॒ऽधि॑पतिः । अधि॑पतिश्च ।
 अधि॑पतिरित्यधि॑ – प॒तिः॑ । च॒ मे॒ । म॒ उ॒पा॒ञ्शुः॑ । उ॒पा॒ञ्शु॑श्च ।
 उ॒पा॒ञ्शु॑रित्युप॑ – अ॒ञ्शुः॑ । च॒ मे॒ । मे॒ऽन्त॑र्यामः । अ॒न्त॑र्यामश्च ।
 अ॒न्त॑र्याम इत्यन्तः॑ – या॒मः॑ । च॒ मे॒ । म॒ ऐ॒न्द्र॒वा॒य॒वः॑ । ऐ॒न्द्र॒वा॒य॒व॑श्च ।
 ऐ॒न्द्र॒वा॒य॒व इत्यै॑न्द्र॒वा॒य॒वः॑ । च॒ मे॒ । मे॒ मै॒त्रा॒व॒रु॒णः॑ । मै॒त्रा॒व॒रु॒ण॑श्च ।
 मै॒त्रा॒व॒रु॒ण इति॑ मै॒त्रा – व॒रु॒णः॑ । च॒ मे॒ । म॒ आ॒श्वि॒नः॑ । आ॒श्वि॒न॑श्च ।
 च॒ मे॒ । मे॒ प्र॒ति॒प्र॒स्थानः॑ । प्र॒ति॒प्र॒स्थान॑श्च । प्र॒ति॒प्र॒स्थान॑ इति॑
 प्र॒ति – प्र॒स्थानः॑ । च॒ मे॒ । मे॒ शु॒क्रः॑ । शु॒क्र॑श्च । च॒ मे॒ । मे॒ म॒न्थी॑ ।
 म॒न्थी च॑ । च॒ मे॒ । म॒ आ॒ग्र॒य॒णः॑ । आ॒ग्र॒य॒ण॑श्च । च॒ मे॒ ।
 मे॒ वै॒श्व॒दे॒वः॑ । वै॒श्व॒दे॒व॑श्च । वै॒श्व॒दे॒व इति॑ वै॒श्व – दे॒वः॑ । च॒ मे॒ ।
 मे॒ ध्रु॒वः॑ । ध्रु॒व॑श्च । च॒ मे॒ । मे॒ वै॒श्वान॑रः । वै॒श्वान॑रश्च । च॒ मे॒ ।
 म॒ ऋ॒तु॒ग्र॒हाः॑ । ऋ॒तु॒ग्र॒हा॑श्च () । ऋ॒तु॒ग्र॒हा इत्यृ॑तु – ग्र॒हाः॑ ।
 च॒ मे॒ । 13 (50/58)

T.S. 4.7.7.2 - Kramam

मे॒ऽति॒ग्रा॒ह्याः॑ । अ॒ति॒ग्रा॒ह्याश्च॑ । अ॒ति॒ग्रा॒ह्या इत्य॑ति – ग्रा॒ह्याः॑ । च॒ मे॒ ।
 म॒ ऐ॒न्द्रा॒ग्नः॑ । ऐ॒न्द्रा॒ग्नश्च॑ । ऐ॒न्द्रा॒ग्न इत्यै॑न्द्र – अ॒ग्नः॑ । च॒ मे॒ ।
 मे॒ वै॒श्वदे॒वः॑ । वै॒श्वदे॒वश्च॑ । वै॒श्वदे॒व इति॑ वै॒श्व – दे॒वः॑ । च॒ मे॒ ।
 मे॒ म॒रु॒त्वती॒याः॑ । म॒रु॒त्वती॒याश्च॑ । च॒ मे॒ । मे॒ मा॒हेन्द्रः॑ । मा॒हेन्द्रश्च॑ ।
 मा॒हेन्द्र इति॑ मा॒हा – इन्द्रः॑ । च॒ मे॒ । म॒ आ॒दि॒त्यः॑ । आ॒दि॒त्यश्च॑ ।
 च॒ मे॒ । मे॒ सा॒वि॒त्रः॑ । सा॒वि॒त्रश्च॑ । च॒ मे॒ । मे॒ सा॒र॒स्व॒तः॑ ।
 सा॒र॒स्व॒तश्च॑ । च॒ मे॒ । मे॒ पौ॒ष्णः॑ । पौ॒ष्णश्च॑ । च॒ मे॒ । मे॒ पा॒त्नी॒व॒तः॑ ।
 पा॒त्नी॒व॒तश्च॑ । पा॒त्नी॒व॒त इति॑ पा॒त्नी – व॒तः॑ । च॒ मे॒ । मे॒ हा॒रि॒यो॒ज॒नः॑ ।
 हा॒रि॒यो॒ज॒नश्च॑ । हा॒रि॒यो॒ज॒न इति॑ हा॒रि – यो॒ज॒नः॑ । च॒ मे॒ ।
 म॒ इति॑ मे॒ ॥ 14 (34/40)

(ऋ॒तु॒ग्र॒हाश्च॑ – च॒तु॒स्त्रि॒ंश॒च्च॑) (A7)

T.S. 4.7.8.1 - Kramam

इ॒ध्मश्च॑ । च॒ मे॒ । मे॒ ब॒रु॒हिः॑ । ब॒रु॒हिश्च॑ । च॒ मे॒ । मे॒ वे॒दिः॑ ।
 वे॒दिश्च॑ । च॒ मे॒ । मे॒ धि॒ष्णि॒याः॑ । धि॒ष्णि॒याश्च॑ । च॒ मे॒ । मे॒ सु॒चः॑ ।
 सु॒चश्च॑ । च॒ मे॒ । मे॒ च॒म॒साः॑ । च॒म॒साश्च॑ । च॒ मे॒ । मे॒ ग्रा॒वा॒णः॑ ।

चतुर्थ काण्डे – सप्तमः प्रश्नः – (TS 4.7)

ग्रा॒वा॒णश्च॑ । च॒ मे॒ । मे॒ स्वर॑वः । स्वर॑वश्च । च॒ मे॒ । म॒ उ॒पर॑वाः ।
 उ॒पर॑वाश्च । उ॒पर॑वा इत्यु॒प – र॒वाः । च॒ मे॒ । मे॒ऽधि॑षवणे ।
 अ॒धि॑षवणे च । अ॒धि॑षवणे इत्यधि॑ – स॒वने॑ । च॒ मे॒ ।
 मे॒ द्रो॑ण॒क॒ल॒शः । द्रो॑ण॒क॒ल॒शश्च॑ । द्रो॑ण॒क॒ल॒श इति॑ द्रो॑ण-क॒ल॒शः ।
 च॒ मे॒ । मे॒ वा॒य॒व्या॒नि । वा॒य॒व्या॒नि च॑ । च॒ मे॒ । मे॒ पू॒त॒भृ॒त् ।
 पू॒त॒भृ॒च् च॑ । पू॒त॒भृ॒दिति॑ पू॒त-भृ॒त् । च॒ मे॒ । म॒ आ॒ध॒व॒नी॒यः ।
 आ॒ध॒व॒नी॒यश्च॑ । आ॒ध॒व॒नी॒य इत्या॑ – ध॒व॒नी॒यः । च॒ मे॒ ।
 म॒ आ॒ग्नी॑द्ध॒म् । आ॒ग्नी॑द्ध॒म् च॑ । आ॒ग्नी॑द्ध॒मि॒त्याग्नि॑ – इ॒द्ध॒म् ।
 च॒ मे॒ । मे॒ ह॒वि॒र्ध्व॑न॒म् । ह॒वि॒र्ध्व॑न॒म् च॑ । ह॒वि॒र्ध्व॑न॒मिति॑
 ह॒विः॑ – धा॒नम् । च॒ मे॒ । मे॒ गृ॒हाः । गृ॒हाश्च॑ () । च॒ मे॒ । मे॒ स॒दः॑ ।
 स॒दश्च॑ । च॒ मे॒ । मे॒ पु॒रो॒डा॒शाः । पु॒रो॒डा॒शाश्च॑ । च॒ मे॒ । मे॒ प॒च॒ताः ।
 प॒च॒ताश्च॑ । च॒ मे॒ । मे॒ऽव॒भृ॒थः । अ॒व॒भृ॒थश्च॑ ।
 अ॒व॒भृ॒थ इत्य॑व – भृ॒थः । च॒ मे॒ । मे॒ स्व॒गा॒का॒रः । स्व॒गा॒का॒रश्च॑ ।
 स्व॒गा॒का॒र इति॑ स्व॒गा – का॒रः । च॒ मे॒ ।
 म॒ इति॑ मे ॥ 15 (66/75) (गृ॒हाश्च॑ – षोड॑श च) (A8)

T.S. 4.7.9.1 - Kramam

अ॒ग्निश्च॑ । च॒ मे॒ । मे॒ घ॒र्मः । घ॒र्मश्च॑ । च॒ मे॒ । मे॒ऽर्कः॑ । अ॒र्कश्च॑ ।
च॒ मे॒ । मे॒ सूर्यः॑ । सूर्यश्च॑ । च॒ मे॒ । मे॒ प्रा॒णः । प्रा॒णश्च॑ ।
प्रा॒ण इति॑ प्र – अ॒नः । च॒ मे॒ । मे॒ऽश्व॒मे॒धः । अ॒श्वमे॒धश्च॑ । अ॒श्वमे॒ध
इत्य॑श्च–मे॒धः । च॒ मे॒ । मे॒ पृ॒थि॒वी । पृ॒थि॒वी च॑ । च॒ मे॒ । मे॒ऽदि॒तिः ।
अ॒दि॒तिश्च॑ । च॒ मे॒ । मे॒ दि॒तिः । दि॒तिश्च॑ । च॒ मे॒ । मे॒ द्यौः । द्यौश्च॑ ।
च॒ मे॒ । मे॒ श॒क्वरीः॑ । श॒क्वरी॒रङ्गु॒लयः॑ । अ॒ङ्गु॒लयो॒ दि॒शः ।
दि॒शश्च॑ । च॒ मे॒ । मे॒ य॒ज्ञेन॑ । य॒ज्ञेन॑ क॒ल्पन्ता॑म् । क॒ल्पन्ता॑मृक् ।
ऋक् च॑ । च॒ मे॒ । मे॒ सा॒म । सा॒म च॑ । च॒ मे॒ । मे॒ स्तो॒मः ।
स्तो॒मश्च॑ । च॒ मे॒ । मे॒ य॒जुः । य॒जुश्च॑ । च॒ मे॒ । मे॒ दी॒क्षा () । दी॒क्षा
च॑ । च॒ मे॒ । मे॒ त॒पः । त॒पश्च॑ । च॒ मे॒ । म॒ ऋ॒तुः । ऋ॒तुश्च॑ । च॒ मे॒ ।
मे॒ व्र॒तम् । व्र॒तम् च॑ । च॒ मे॒ । मे॒ऽहो॒रा॒त्रयोः॑ । अ॒हो॒रा॒त्रयो॑र् वृ॒ष्ट्या ।
अ॒हो॒रा॒त्रयो॑रित्य॒हः – रा॒त्रयोः॑ । वृ॒ष्ट्या बृ॒ह॒द्र॒थन्त॑रे । बृ॒ह॒द्र॒थन्त॑रे च॑ ।
बृ॒ह॒द्र॒थन्त॑रे इति॑ बृ॒ह॒त् – र॒थन्त॑रे । च॒ मे॒ । मे॒ य॒ज्ञेन॑ ।
य॒ज्ञेन॑ क॒ल्पेता॑म् । क॒ल्पेता॑मिति॑ क॒ल्पेता॑म् ॥ 16 (68/72)

(दी॒क्षाऽ – षा॒द॒श च॑) (A9)

T.S. 4.7.10.1 - Kramam

गर्भा॑श्च । च॒ मे॒ । मे॒ व॒त्सः॑ । व॒त्सः॑श्च । च॒ मे॒ । मे॒ त्र्य॒विः॑ ।
 त्र्य॒विश्च॑ । त्र्य॒वि॒रिति॑ त्रि – अ॒विः॑ । च॒ मे॒ । मे॒ त्र्य॒वी । त्र्य॒वी च॑ ।
 त्र्य॒वीति॑ त्रि – अ॒वी । च॒ मे॒ । मे॒ दि॒त्य॒वाट् । दि॒त्य॒वाट् च॑ ।
 दि॒त्य॒वाडिति॑ दि॒त्य – वाट् । च॒ मे॒ । मे॒ दि॒त्यौ॒ही । दि॒त्यौ॒ही च॑ ।
 च॒ मे॒ । मे॒ पञ्चा॒विः॑ । पञ्चा॒विश्च॑ । पञ्चा॒वि॒रिति॑ पञ्च – अ॒विः॑ ।
 च॒ मे॒ । मे॒ पञ्चा॒वी । पञ्चा॒वी च॑ । पञ्चा॒वीति॑ पञ्च – अ॒वी ।
 च॒ मे॒ । मे॒ त्रि॒व॒त्सः॑ । त्रि॒व॒त्सश्च॑ । त्रि॒व॒त्स इति॑ त्रि – व॒त्सः॑ ।
 च॒ मे॒ । मे॒ त्रि॒व॒त्सा । त्रि॒व॒त्सा च॑ । त्रि॒व॒त्सेति॑ त्रि – व॒त्सा ।
 च॒ मे॒ । मे॒ तु॒र्य॒वाट् । तु॒र्य॒वाट् च॑ । तु॒र्य॒वाडिति॑ तु॒र्य – वाट् । च॒ मे॒ ।
 मे॒ तु॒र्यौ॒ही । तु॒र्यौ॒ही च॑ । च॒ मे॒ । मे॒ प॒ष्ठ॒वात् । प॒ष्ठ॒वाच् च॑ ।
 प॒ष्ठ॒वाडिति॑ प॒ष्ठ – वात् । च॒ मे॒ । मे॒ प॒ष्ठौ॒ही । प॒ष्ठौ॒ही च॑ । च॒ मे॒ ।
 म॒ उ॒क्षा । उ॒क्षा च॑ । च॒ मे॒ । मे॒ व॒शा । व॒शा च॑ । च॒ मे॒ ।
 म॒ ऋ॒ष॒भः॑ । ऋ॒ष॒भश्च॑ () । च॒ मे॒ । 17 (50/59)

T.S. 4.7.10.2 - Kramam

मे वे॒हत् । वे॒हच् च॑ । च॒ मे॒ । मे॒ऽन॒ड्वान् । अ॒न॒ड्वान् च॑ । च॒ मे॒ ।
मे॒ धे॒नुः । धे॒नुश्च॑ । च॒ मे॒ । म॒ आयुः॑ । आयु॑र् य॒ज्ञेन॑ । य॒ज्ञेन॑
कल्प॑ताम् । क॒ल्प॒ता॒म् प्रा॒णः । प्रा॒णो य॒ज्ञेन॑ । प्रा॒ण इति॑ प्र – अ॒नः ।
य॒ज्ञेन॑ कल्प॑ताम् । क॒ल्प॒ता॒म्पा॒नः । अ॒पा॒नो य॒ज्ञेन॑ । अ॒पा॒न
इत्य॑प–अ॒नः । य॒ज्ञेन॑ कल्प॑ताम् । क॒ल्प॒ता॒म् व्या॒नः । व्या॒नो य॒ज्ञेन॑ ।
व्या॒न इति॑ वि – अ॒नः । य॒ज्ञेन॑ कल्प॑ताम् । क॒ल्प॒ता॒म् चक्षुः॑ । चक्षु॑र्
य॒ज्ञेन॑ । य॒ज्ञेन॑ कल्प॑ताम् । क॒ल्प॒ता॒म् श्रो॒त्रम् । श्रो॒त्रम् य॒ज्ञेन॑ ।
य॒ज्ञेन॑ कल्प॑ताम् । क॒ल्प॒ता॒म् मनः॑ । मनो॑ य॒ज्ञेन॑ । य॒ज्ञेन॑ कल्प॑ताम् ।
क॒ल्प॒ता॒म् वाक् । वाग् य॒ज्ञेन॑ । य॒ज्ञेन॑ कल्प॑ताम् । क॒ल्प॒ता॒मात्मा॑ ।
आ॒त्मा य॒ज्ञेन॑ । य॒ज्ञेन॑ कल्प॑ताम् । क॒ल्प॒ता॒म् य॒ज्ञः । य॒ज्ञो य॒ज्ञेन॑ ।
य॒ज्ञेन॑ कल्प॑ताम् । क॒ल्प॒ता॒मिति॑ कल्प॑ताम् ॥ 18 (40/43)

(ऋ॒षभश्च॑ – च॒त्वारि॑ंशच्च॑) (A10)

T.S. 4.7.11.1 - Kramam

एका॑ च॒ । च॒ मे॒ । मे॒ ति॒स्रः । ति॒स्रश्च॑ । च॒ मे॒ । मे॒ प॒ञ्च ।
प॒ञ्च च॑ । च॒ मे॒ । म॒ स॒प्त । स॒प्त च॑ । च॒ मे॒ । मे॒ न॒व । न॒व च॑ ।

चतुर्थ काण्डे – सप्तमः प्रश्नः – (TS 4.7)

च॒ मे॒ । म॒ ए॒का॒द॒श॒ । ए॒का॒द॒श॒ च॒ । च॒ मे॒ । मे॒ त्र॒यो॒द॒श॒ । त्र॒यो॒द॒श॒
च॒ । त्र॒यो॒द॒शे॒ति॒ त्र॒यः॑ – द॒श॒ । च॒ मे॒ । मे॒ प॒ञ्च॒द॒श॒ । प॒ञ्च॒द॒श॒ च॒ ।
प॒ञ्च॒द॒शे॒ति॒ प॒ञ्च॑ – द॒श॒ । च॒ मे॒ । मे॒ स॒प्त॒द॒श॒ । स॒प्त॒द॒श॒ च॒ ।
स॒प्त॒द॒शे॒ति॒ स॒प्त॑ – द॒श॒ । च॒ मे॒ । मे॒ न॒व॒द॒श॒ । न॒व॒द॒श॒ च॒ ।
न॒व॒द॒शे॒ति॒ न॒व॑ – द॒श॒ । च॒ मे॒ । म॒ ए॒क॒वि॒ं॒श॒तिः॑ । ए॒क॒वि॒ं॒श॒तिश्च॑ ।
ए॒क॒वि॒ं॒श॒ति॒रि॒त्ये॒क॑ – वि॒ं॒श॒तिः॑ । च॒ मे॒ । मे॒ त्र॒यो॒वि॒ं॒श॒तिः॑ ।
त्र॒यो॒वि॒ं॒श॒तिश्च॑ । त्र॒यो॒वि॒ं॒श॒ति॒रि॒ति॒ त्र॒यः॑ – वि॒ं॒श॒तिः॑ । च॒ मे॒ ।
मे॒ प॒ञ्च॒वि॒ं॒श॒तिः॑ । प॒ञ्च॒वि॒ं॒श॒तिश्च॑ । प॒ञ्च॒वि॒ं॒श॒ति॒रि॒ति॒
प॒ञ्च॑-वि॒ं॒श॒तिः॑ । च॒ मे॒ । मे॒ स॒प्त॒वि॒ं॒श॒तिः॑ । स॒प्त॒वि॒ं॒श॒तिश्च॑ ।
स॒प्त॒वि॒ं॒श॒ति॒रि॒ति॒ स॒प्त॑ – वि॒ं॒श॒तिः॑ । च॒ मे॒ । मे॒ न॒व॒वि॒ं॒श॒तिः॑ ।
न॒व॒वि॒ं॒श॒तिश्च॑ । न॒व॒वि॒ं॒श॒ति॒रि॒ति॒ न॒व॑ – वि॒ं॒श॒तिः॑ । च॒ मे॒ ।
म॒ ए॒क॒त्रि॒ं॒श॒त् । ए॒क॒त्रि॒ं॒श॒च् च॒ । ए॒क॒त्रि॒ं॒श॒दि॒त्ये॒क॑ – त्रि॒ं॒श॒त् ।
च॒ मे॒ । मे॒ त्र॒य॒स्त्रि॒ं॒श॒त् । त्र॒य॒स्त्रि॒ं॒श॒च् च॒ () ।
त्र॒य॒स्त्रि॒ं॒श॒दि॒ति॒ त्र॒यः॑ – त्रि॒ं॒श॒त् । च॒ मे॒ । 19 (50/61)

T.S. 4.7.11.2 - Kramam

मे॒ च॒त॒स्रः॑ । च॒त॒स्रश्च॑ । च॒ मे॒ । मे॒ऽष्टौ॑ । अ॒ष्टौ च॑ । च॒ मे॒ । मे॒ द्वा॒द॒श ।
 द्वा॒द॒श च॑ । च॒ मे॒ । मे॒ षोड॑श । षोड॑श च॑ । च॒ मे॒ । मे॒ वि॒ंश॒तिः॑ ।
 वि॒ंश॒तिश्च॑ । च॒ मे॒ । मे॒ चतु॑र्विंशतिः । चतु॑र्विंशतिश्च ।
 चतु॑र्विंशतिरिति॒ चतुः॑ – वि॒ंश॒तिः॑ । च॒ मे॒ । मे॒ऽष्टा॒वि॒ंश॒तिः॑ ।
 अ॒ष्टा॒वि॒ंश॒तिश्च॑ । अ॒ष्टा॒वि॒ंश॒तिरित्य॑ष्टा – वि॒ंश॒तिः॑ । च॒ मे॒ । मे॒
 द्वा॒त्रि॒ंश॒त् । द्वा॒त्रि॒ंश॒च् च॑ । च॒ मे॒ । मे॒ षट्त्रि॑ंशत् । षट्त्रि॑ंशच्च ।
 षट्त्रि॑ंशदिति॒ षट् – त्रि॒ंश॒त् । च॒ मे॒ । मे॒ च॒त्वा॒रि॒ंश॒त् ।
 च॒त्वा॒रि॒ंश॒च् च॑ । च॒ मे॒ । मे॒ चतु॑श्चत्वारिंशत् ।
 चतु॑श्चत्वारिंशच् च॑ । चतु॑श्चत्वारिंशदिति॒ चतुः॑ – च॒त्वा॒रि॒ंश॒त् ।
 च॒ मे॒ । मे॒ऽष्टा॒च॒त्वा॒रि॒ंश॒त् । अ॒ष्टा॒च॒त्वा॒रि॒ंश॒च् च॑ ।
 अ॒ष्टा॒च॒त्वा॒रि॒ंश॒दित्य॑ष्टा – च॒त्वा॒रि॒ंश॒त् । च॒ मे॒ । मे॒ वा॒जः॑ । वा॒जश्च॑ ।
 च॒ प्र॒स॒वः॑ । प्र॒स॒वश्च॑ । प्र॒स॒व इति॑ प्र – स॒वः॑ । चा॒पि॒जः॑ । अ॒पि॒जश्च॑ ।
 अ॒पि॒ज इत्य॑पि – जः॑ । च॒ क्र॒तुः॑ । क्र॒तुश्च॑ । च॒ सु॒वः॑ । सु॒वश्च॑ ।
 च॒ मू॒र्द्धा॑ । मू॒र्द्धा च॑ । च॒ व्य॒श्नि॒यः॑ () । व्य॒श्नि॒यश्च॑ । व्य॒श्नि॒य इति॑
 वि – अ॒श्नि॒यः॑ । चा॒न्त्या॒य॒नः॑ । आ॒न्त्या॒य॒नश्च॑ । चा॒न्त्यः॑ । अ॒न्त्यश्च॑ ।

च भौ॒वनः । भौ॒वनश्च॑ । च भु॒वनः । भु॒वनश्च॑ । चाधि॒पतिः॑ ।

अधि॒पतिश्च॑ । अधि॒पतिरि॒त्यधि॑ – प॒तिः । चेति॑ च ॥ 20 (61/70)

(त्रय॑स्त्रि॒ंशच्च॑ – व्य॒ङ्गि॒ज्य – एका॑दश च) (A11)

T.S. 4.7.12.1 - Kramam

वाजो॑ नः । नः स॒प्त । स॒प्त प्र॒दिशः॑ । प्र॒दिशश्च॑त॒स्रः । प्र॒दिश॑ इति॑

प्र – दि॒शः । चत॑स्रो वा । वा प॒राव॑तः । प॒राव॑त इति॑ प॒रा – व॑तः ॥

वाजो॑ नः । नो वि॒श्वैः॑ । वि॒श्वैर् दे॒वैः । दे॒वैर् धन॑सातौ । धन॑सातावि॒ह ।

धन॑सातावि॒ति धन॑ – सातौ । इहा॑वतु । अ॒व॒त्त्वित्य॑वतु ॥ वि॒श्वे अ॒द्य ।

अ॒द्य म॒रुतः॑ । म॒रुतो॑ वि॒श्वे । वि॒श्व ऊ॒ती । ऊ॒ती वि॒श्वे । वि॒श्वे भव॑न्तु ।

भव॑न्त्व॒ग्नयः॑ । अ॒ग्नयः॑ समि॒द्धाः । समि॒द्धा इति॑ सम् – इ॒द्धाः ॥ वि॒श्वे

नः । नो दे॒वाः । दे॒वा अव॑सा । अव॑सा । आ ग॒मन्तु॑ । ग॒मन्तु॑ वि॒श्वम् ।

वि॒श्वम॑स्तु । अ॒स्तु द्र॒विणम्॑ । द्र॒विणम् वा॑जः । वाजो॑ अ॒स्मे । अ॒स्मे

इत्य॑स्मे ॥ वाज॑स्य प्र॒स॒वम् । प्र॒स॒वम् दे॒वाः । प्र॒स॒वमि॑ति प्र–स॒वम् ।

दे॒वा रथैः॑ । रथैर् या॑त । या॒ता हि॒रण्य॑यैः । हि॒रण्य॑यैरि॒ति हि॒रण्य॑यैः ॥

अ॒ग्निरि॒न्द्रः । इ॒न्द्रो बृ॒हस्प॑तिः । बृ॒हस्प॑तिर् म॒रुतः॑ ।

म॒रुतः॑ सोम॑पीतये । सोम॑पीतय इति॑ सोम – पी॒तये ॥ वाजे॑वाजेऽव॑त ।

वा॒जे॒वा॒ज॒ इति॑ वा॒जे॒ – वा॒जे॒ । अ॒व॒त॒ वा॒जि॒नः॑ । वा॒जि॒नो॒ नः॑ ।

नो॒ ध॒ने॒षु॑ () । ध॒ने॒षु॑ वि॒प्राः॑ । 21 (50/54)

T.S. 4.7.12.2 - Kramam

वि॒प्रा॒ अ॒मृ॒ताः॑ । अ॒मृ॒ता॒ ऋ॒त॒ज्ञाः॑ । ऋ॒त॒ज्ञा॒ इत्यृ॒त – ज्ञाः॑ ॥

अ॒स्य॑ म॒ध्वः॑ । म॒ध्वः॑ पि॒ब॒त । पि॒ब॒त॒ मा॒दय॑ध्वम् । मा॒दय॑द्वम् तृ॒प्ताः॑ ।

तृ॒प्ता॒ या॒त । या॒त॒ प॒थि॒भिः॑ । प॒थि॒भिर् दे॒व॒यानैः॑ । प॒थि॒भिरि॒ति॑

प॒थि – भिः॑ । दे॒व॒यानै॒रिति॑ दे॒व – या॒नैः॑ । वा॒जः॑ पु॒रस्ता॑त् ।

पु॒रस्ता॑दु॒त । उ॒त॒ म॒द॒ध्य॒तः॑ । म॒द॒ध्य॒तो॒ नः॑ । नो॒ वा॒जः॑ । वा॒जो॑

दे॒वान् । दे॒वा॒ ऋ॒तु॒भिः॑ । ऋ॒तु॒भिः॑ क॒ल्प॒या॒ति॑ । ऋ॒तु॒भिरि॒त्यृ॒तु–भिः॑ ।

क॒ल्प॒या॒तीति॑ क॒ल्प॒या॒ति॑ ॥ वा॒ज॒स्य॑ हि । हि प्र॒स॒वः॑ ।

प्र॒स॒वो॒ नन्न॑मीति । प्र॒स॒व॒ इति॑ प्र – स॒वः॑ । नन्न॑मीति वि॒श्वा॑ ।

वि॒श्वा॒ आ॒शाः॑ । आ॒शा॒ वा॒ज॒प॒तिः॑ । वा॒ज॒प॒तिर् भ॒वे॒यम् । वा॒ज॒प॒तिरि॒ति॑

वा॒ज – प॒तिः॑ । भ॒वे॒य॒मिति॑ भ॒वे॒यम् ॥ प॒यः॑ पृ॒थि॒व्याम् । पृ॒थि॒व्याम्

प॒यः॑ । प॒य॒ ओष॑धीषु । ओष॑धीषु प॒यः॑ । प॒यो॑ दि॒वि । दि॒व्य॒न्तरि॑क्षे ।

अ॒न्तरि॑क्षे प॒यः॑ । प॒यो॑ धा॒म् । धा॒मिति॑ धा॒म् ॥ प॒य॒स्व॒तीः॑ प्र॒दि॒शः॑ ।

प्र॒दि॒शः॑ स॒न्तु॑ । प्र॒दि॒श॒ इति॑ प्र – दि॒शः॑ । स॒न्तु॑ म॒ह्यम्॑ ।

चतुर्थ काण्डे – सप्तमः प्रश्नः – (TS 4.7)

म॒ह्यमि॒ति॒ म॒ह्यम् ॥ स॒म् मा॑ । मा॒ सृ॒जामि॑ । सृ॒जामि॑ प॒यसा॑ । प॒यसा॑
घृ॒तेन॑ । घृ॒तेन॑ स॒म् । स॒म् मा॑ । मा॒ सृ॒जामि॑ । सृ॒जाम्य॒पः () ।
अ॒प ओष॑धीभिः । 22 (50/55)

T.S. 4.7.12.3 - Kramam

ओष॑धीभि॒रित्योष॑धि – भिः ॥ सोऽ॒हम् । अ॒हम् वा॑जम् ।
वा॒जꣳ स॒नेय॑म् । स॒नेय॑म॒ग्ने । अ॒ग्ने इ॒त्यग्ने॑ ॥ न॒क्तोषा॑सा॒ सम॑नसा ।
स॒मन॑सा॒ विरू॑पे । स॒मन॑सेति॒ स – म॒नसा॑ । विरू॑पे धा॒पये॑ते ।
विरू॑पे इति॒ वि – रू॒पे । धा॒पये॑ते शि॒शुम् । धा॒पये॑ते इति॒ धा॒पये॑ते ।
शि॒शुमे॑कम् । ए॒कꣳ स॒मीची॑ । स॒मीची॑ इति॒ समी॑ची ॥ द्या॒वा क्षा॑म ।
क्षा॒मा रु॒क्मः । रु॒क्मो अ॒न्तः । अ॒न्तर् वि॑ । वि॒ भा॑ति । भा॒ति दे॒वाः ।
दे॒वा अ॒ग्निम् । अ॒ग्निम् धा॑रयन् । धा॒रय॑न् द्र॒वि॒णो॒दाः ।
द्र॒वि॒णो॒दा इति॑ द्र॒वि॒णः – दाः ॥ स॒मु॒द्रोऽसि॑ । अ॒सि न॑भ॒स्वान् ।
न॑भ॒स्वाना॑र्द्र॒दानुः॑ । आ॒र्द्र॒दानुः॑ श॒म्भूः । आ॒र्द्र॒दानु॑रित्या॒र्द्र – दा॒नुः ।
श॒म्भूर् म॑यो॒भूः । श॒म्भूरि॑ति॒ शम् – भूः । म॑यो॒भूर॑भि । म॑यो॒भूरि॑ति॒
म॑यः – भूः । अ॒भि मा॑ । मा॒ वा॒हि । वा॒हि स्वा॑हा । स्वा॑हा मा॒रुतः॑ ।
मा॒रुतो॑ऽसि । अ॒सि म॒रुता॑म् । म॒रुता॑म् ग॒णः । ग॒णः श॒म्भूः ।

श॒म्भूर् म॒यो॒भूः । श॒म्भूरि॑ति शम् – भूः । म॒यो॒भूर॑भि । म॒यो॒भूरि॑ति
मयः – भूः । अ॒भि मा॑ । मा॒ वा॒हि॒ । वा॒हि॒ स्वाहा॑ । स्वाहा॑ऽव॒स्युः ।
अ॒व॒स्युर॑सि । अ॒सि॒ दु॒व॒स्वान् । दु॒व॒स्वाञ्छ॒म्भूः । श॒म्भूर् म॒यो॒भूः ।
श॒म्भूरि॑ति शम् – भूः । म॒यो॒भूर॑भि । म॒यो॒भूरि॑ति मयः – भूः ।
अ॒भि मा॑ () । मा॒ वा॒हि॒ । वा॒हि॒ स्वाहा॑ ।
स्वाहे॑ति॒ स्वाहा॑ ॥ 23 (52/62)

(ध॒ने॑ – ष्व॒पो – दु॒व॒स्वाञ्छ॒म्भूर्म॒यो॒भूर॑भि मा॒ – द्वे च॑) (A12)

T.S. 4.7.13.1 - Kramam

अ॒ग्निम् यु॑न॒ज्मि॒ । यु॒न॒ज्मि॒ श॒व॒सा॒ । श॒व॒सा॒ घृ॒तेन॑ । घृ॒तेन॑ दि॒व्यम् ।
दि॒व्यं सु॑प॒र्णम् । सु॒प॒र्णम् व॑य॒सा॒ । सु॒प॒र्णमि॑ति सु – प॒र्णम् ।
व॒य॒सा॒ बृ॒ह॒न्तम् । बृ॒ह॒न्तमि॑ति बृ॒ह॒न्तम् ॥ तेन॑ व॒यम् । व॒यम् प॑तेम ।
प॒तेम॒ ब्र॒ध्नस्य॑ । ब्र॒ध्नस्य॑ वि॒ष्टप॑म् । वि॒ष्टपं॑ सु॒वः ।
सु॒वो रु॒हाणाः॑ । रु॒हाणा॑ अ॒धि॒ । अ॒धि॒ ना॒के॑ । ना॒के॑ उ॒त्तमे॑ । उ॒त्तमे॑
इ॒त्युत् – त॒मे ॥ इ॒मौ ते॑ । ते प॒क्षौ । प॒क्षाव॑ज॒रौ । अ॒ज॒रौ प॑त॒त्रिणः॑ ।
प॒त॒त्रिणो॑ या॒भ्याम् । या॒भ्यां र॒क्षांसि॑ । र॒क्षांस्य॑प॒हंसि॑ ।
अ॒प॒हंस्य॑ग्ने । अ॒प॒हंसी॑त्यप – हंसि॑ । अ॒ग्न इ॒त्यग्ने॑ ॥

ता॒भ्याम् प॒तेम॑ । प॒तेम॑ सु॒कृता॑म् । सु॒कृता॑मु । सु॒कृता॑मि॒ति
सु – कृ॒ताम् । उ॒ लो॒कम् । लो॒कम् य॑त्र । य॒त्रर्ष॑यः ।
ऋ॒षयः॑ प्रथ॒मजाः॑ । प्रथ॒मजा॑ ये । प्रथ॒मजा॑ इति॑ प्रथ॒म – जाः॑ ।
ये पु॒राणाः॑ । पु॒राणा॑ इति॑ पु॒राणाः॑ ॥ चि॒दसि॑ । अ॒सि स॒मुद्र॑यो॒निः ।
स॒मुद्र॑यो॒निरि॒न्दुः । स॒मुद्र॑यो॒निरि॒ति स॒मुद्र॑ – यो॒निः । इ॒न्दुर् दक्षः॑ ।
दक्षः॑ श्ये॒नः । श्ये॒न ऋ॒तावा॑ ॥ ऋ॒तावे॑त्यृ॒त – वा ॥ हि॒रण्य॑पक्षः
शकु॒नः । हि॒रण्य॑पक्ष॒ इति॑ हि॒रण्य॑ – पक्षः॑ । शकु॒नो भु॒रण्युः॑ ।
भु॒रण्युर् म॒हान् । म॒हान्त् स॒धस्थे॑ ॥ स॒धस्थे॑ ध्रु॒वः ।
स॒धस्थ॑ इति॑ स॒ध – स्थे॑ । ध्रु॒व आ । 24 (50/57)

T.S. 4.7.13.2 - Kramam

आ निष॑त्तः । निष॑त्त इति॑ नि – स॒त्तः ॥ नम॑स्ते । ते अ॒स्तु । अ॒स्तु
मा । मा मा॑ ॥ मा हि॒॒सीः । हि॒॒सीर् विश्व॑स्य । विश्व॑स्य मूर्ध॒न् ।
मूर्ध॒न्धि । अधि॑ तिष्ठ॒सि । तिष्ठ॒सि श्रि॒तः । श्रि॒त इति॑ श्रि॒तः ॥
स॒मुद्रे॑ ते॑ । ते हृ॒दय॑म् । हृ॒दय॑म॒न्तः । अ॒न्तरा॑युः । आ॒युर् द्या॑वापृ॒थि॒वी ।
द्या॑वापृ॒थि॒वी भुव॑नेषु । द्या॑वापृ॒थि॒वी इति॑ द्या॒वा – पृ॒थि॒वी ।
भुव॑नेष्वर्पि॑ते । अर्पि॑ते इत्यर्पि॑ते ॥ उ॒द्नो द॑त्त । द॒त्तो द॒धिम् ।

उ॒द॒धि॒म् भि॒न्त । उ॒द॒धि॒मि॒त्यु॒द-धि॒म् । भि॒न्त दि॒वः । दि॒वः प॒र्जन्या॑त् ॥
 प॒र्जन्या॑द॒न्तरि॑क्षात् । अ॒न्तरि॑क्षात् पृ॒थि॒व्याः । पृ॒थि॒व्यास्त॑तः । ततो॑ नः ।
 नो वृ॒ष्ट्या ॥ वृ॒ष्ट्याऽव॑त । अ॒व॒तेत्य॑वत ॥ दि॒वो मू॒र्द्धा । मू॒र्द्धाऽसि॑ ।
 अ॒सि पृ॒थि॒व्या । पृ॒थि॒व्या ना॑भिः । ना॒भि॒रूर्क् । ऊ॒र्ग॒पाम् ।
 अ॒पा॒मोष॑धीनाम् । ओष॑धीना॒मित्योष॑धीनाम् ॥ वि॒श्वायुः॑ श॒र्म ।
 वि॒श्वायु॑रिति वि॒श्व - आ॒युः । श॒र्म स॒प्रथाः॑ । स॒प्रथा॑ नमः ।
 स॒प्रथा॑ इति स - प्र॒थाः । नम॑स्प॒थे । प॒थ इति॑ प॒थे ॥ येन॑र्ष॒यः ।
 ऋ॒षय॑स्तप॒सा । तप॑सा स॒त्रम् । स॒त्रमा॑सत । 25 (50/54)

T.S. 4.7.13.3 - Kramam

आ॒स॒तेन्धा॑नाः । इ॒न्धा॒ना अ॒ग्निम् । अ॒ग्नि॑ सु॒वः । सु॒वरा॑भर॒न्तः ।
 आ॒भर॑न्त इत्या - भर॒न्तः ॥ तस्मि॑न्न॒हम् । अ॒हम् नि॑ । नि॒ द॒धे ।
 द॒धे ना॑के । ना॑के अ॒ग्निम् । अ॒ग्निमे॒तम् । ए॒तम् य॑म् । यमा॒हुः ।
 आ॒हुर् मन॑वः । मन॑वः स्ती॒र्णब॑र्हिषि॒म् । स्ती॒र्णब॑र्हिषमि॒ति
 स्ती॒र्ण - ब॑र्हिष॒म् ॥ तम् प॑त्नीभिः । प॑त्नीभि॒रनु॑ । अनु॑ गच्छेम ।
 ग॒च्छेम॑ दे॒वाः । दे॒वाः पु॒त्रै । पु॒त्रैर् भ्रा॑तृभिः । भ्रा॑तृभि॒रुत॑ ।
 भ्रा॑तृभि॒रिति॑ भ्रा॑तृ - भिः । उ॒त वा॑ । वा॒ हि॒रण्यैः॑ ।

चतुर्थ काण्डे – सप्तमः प्रश्नः – (TS 4.7)

हिरण्यैरिति॑ हिरण्यैः॑ ॥ नाकम्॑ गृह्णा॒नाः । गृह्णा॒नाः सुकृ॒तस्य॑ ।
सुकृ॒तस्य॑ लो॒के । सुकृ॒तस्येति॑ सु – कृ॒तस्य॑ । लो॒के तृतीये॑ ।
तृतीये॑ पृ॒ष्ठे । पृ॒ष्ठे अधि॑ । अधि॑ रोच॒ने । रोच॒ने दि॒वः ।
दि॒व इति॑ दि॒वः ॥ आ वा॒चः । वा॒चो मद्ध्यम्॑ । मद्ध्य॑मरुहत् ।
अ॒रुह॑द् भु॒रण्युः । भु॒रण्युरयम्॑ । अ॒यम॒ग्निः । अ॒ग्निः सत्प॑तिः ।
सत्प॑तिश्चेकि॒तानः । सत्प॑तिरिति॑ सत् – प॒तिः । चेकि॑तान॒ इति॑
चेकि॑तानः ॥ पृ॒ष्ठे पृथि॒व्याः । पृथि॒व्या नि॒हितः । नि॒हितो द॒विद्यु॑तत् ।
नि॒हित॒ इति॑ नि – हि॒तः । द॒विद्यु॑तदध॒स्पदम्॑ । अ॒ध॒स्पदम्॑ कृ॒णुते॑ ।
अ॒ध॒स्पद॑मित्यधः – प॒दम् । कृ॒णुते॑ ये । 26 (50/55)

T.S. 4.7.13.4 - Kramam

ये पृ॒त॒न्यवः॑ । पृ॒त॒न्यव॑ इति॑ पृ॒त॒न्यवः॑ ॥ अ॒यम॒ग्निः । अ॒ग्निर् वी॒रत॑मः ।
वी॒रत॑मो वयो॒धाः । वी॒रत॑म॒ इति॑ वी॒र – त॒मः । वयो॒धाः स॒हस्रि॑यः ।
वयो॒धा इति॑ वयः – धाः । स॒हस्रि॑यो दी॒प्यता॑म् । दी॒प्यता॑मप्र॒युच्छन्॑ ।
अप्र॒युच्छ॑न्नित्यप्र – यु॒च्छन् ॥ वि॒भ्राज॑मानः सरि॒रस्य॑ । वि॒भ्राज॑मान॒
इति॑ वि – भ्राज॑मानः । सरि॒रस्य॑ मद्ध्य॑ । मद्ध्य॑ उप॑ । उप॑ प्र॑ ।
प्र॑ यात॑ । या॒त दि॒व्यानि॑ । दि॒व्यानि॑ धाम॑ । धामेति॑ धाम॑ ॥ सम् प्र॑ ।

प्र च्यवद्धम् । च्यवद्धमनु । अनु सम् । सम् प्र । प्र यात । याताग्ने ।
 अग्ने पथः । पथो देवयानान् । देवयानान् कृणुद्ध्वम् । देवयानानिति
 देव - यानान् । कृणुद्ध्वमिति कृणुद्ध्वम् ॥ अस्मिन्थ सधस्थे ।
 सधस्थे अधि । सधस्थ इति सध - स्थे । अध्युत्तरस्मिन् ।
 उत्तरस्मिन् विश्वे । उत्तरस्मिन्नित्युत् - तरस्मिन् । विश्वे देवाः ।
 देवा यजमानः । यजमानश्च । च सीदत । सीदतेति सीदत ॥
 येना सहस्रम् । सहस्रम् वहसि । वहसि येन । येनाग्ने ।
 अग्ने सर्ववेदसम् । सर्ववेदसमिति सर्व - वेदसम् । तेनेमम् । इमम्
 यज्ञम् । यज्ञम् नः । नो वह । वह देवयानः । देवयानो यः () ।
 देवयान इति देव - यानः । य उत्तमः । 27 (50/57)

T.S. 4.7.13.5 - Kramam

उत्तम इत्युत् - तमः । उद् बुद्ध्यस्व । बुद्ध्यस्वाग्ने । अग्ने प्रति ।
 प्रति जागृहि । जागृह्येनम् । एनमिष्टापूर्ते । इष्टापूर्ते सम् । इष्टापूर्ते
 इतीष्टा - पूर्ते । सञ् सृजेथाम् । सृजेथामयम् । अयम् च ।
 चेति च ॥ पुनः कृण्वन् । कृण्वञ्स्त्वा । त्वा पितरम् ।
 पितरम् युवानम् । युवानमन्वाताञ्सीत् । अन्वाताञ्सीत् त्वयि ।

अ॒न्वा॒ता॒ऽसी॒दित्य॑नु – आ॒ता॒ऽसी॒त् । त्वयि॑ तन्तु॒म् । तन्तु॑मे॒तम् ।
 ए॒तमि॑त्ये॒तम् ॥ अ॒यम् ते॑ । ते॒ योनिः॑ । योनि॑र् ऋ॒त्वियः॑ । ऋ॒त्वियो॑
 यतः॑ । यतो॑ जा॒तः । जा॒तो अ॑रोच॒थाः । अ॑रोच॒था इ॒त्यरो॑च॒थाः ॥
 तम् जा॒नन् । जा॒नन् अ॑ग्ने । अ॒ग्न आ॑ । आ॒ रो॒ह । रो॒हाथ॑ । अथा॑ नः ।
 नो॒ वर्द्ध॑य । वर्द्ध॑या र॒यिम् । र॒यिमि॑ति र॒यिम् ॥ 28 (37/39)

(ध्रु॒वः – स॒त्रम् – कृ॑णु॒ते – यः – स॒प्तत्रि॑ंशच्च) (A13)

T.S. 4.7.14.1 - Kramam

ममा॑ग्ने । अ॒ग्ने वर्चः॑ । वर्चो॑ वि॒ह॒वेषु॑ । वि॒ह॒वेष्व॑स्तु । वि॒ह॒वेष्वि॑ति
 वि – ह॒वेषु॑ । अ॒स्तु व॒यम् । व॒यम् त्वा॑ । त्वे॒न्धा॒नाः । इ॒न्धा॒ना
 स्त॒नुव॑म् । त॒नुव॑म् पु॒षेम॑ । पु॒षेमे॑ति पु॒षेम॑ ॥ म॒ह्यम् न॑मन्ताम् ।
 न॒मन्ता॑म् प्र॒दिशः॑ । प्र॒दिश॑श्चत॒स्रः । प्र॒दिश॑ इति प्र – दि॒शः ।
 चत॑स्र॒स्त्वया॑ । त्वया॑ऽद॒ध्यक्षे॑ण । अ॒द॒ध्यक्षे॑ण पृ॒तनाः॑ ।
 अ॒द॒ध्यक्षे॑णे॒त्यधि॑ – अ॒क्षे॒ण । पृ॒तना॑ ज॒येम॑ । ज॒येमे॑ति ज॒येम॑ ॥
 मम॑ दे॒वाः । दे॒वा वि॒ह॒वे । वि॒ह॒वे स॑न्तु । वि॒ह॒व इति॑ वि – ह॒वे ।
 स॑न्तु॒ सर्वे॑ । सर्व॑ इन्द्रा॒वन्तः॑ । इन्द्रा॒वन्तो॑ म॒रुतः॑ ।
 इन्द्रा॒वन्त॑ इतीन्द्र – व॒न्तः । म॒रुतो॑ विष्णुः॑ ।

विष्णु॑र॒ग्निः । अ॒ग्निरि॒त्य॒ग्निः ॥ म॒मा॒न्तरि॑क्षम् । अ॒न्तरि॑क्षमु॒रु । उ॒रु
गो॒पम् । गो॒पम॑स्तु । अ॒स्तु म॒ह्यम् । म॒ह्यम् वा॑तः । वा॑तः प॒वता॑म् ।
प॒वता॑म् का॒मे । का॒मे अ॒स्मिन् । अ॒स्मिन्नित्य॑स्मिन् ॥ म॒यि दे॒वाः ।
दे॒वा द्र॑विणम् । द्र॑विण॒मा । आ य॑जन्ताम् । य॒जन्ता॑म् म॒यि ।
म॒य्या॒शीः । आ॒शीर॑स्तु । आ॒शीरि॒त्या – शीः । अ॒स्तु म॒यि ।
म॒यि दे॒वहू॑तिः । दे॒वहू॑तिरि॒ति दे॒व – हू॑तिः ॥ दै॒व्या हो॑तारा ।
हो॑तारा व॒निष॑न्त । व॒निष॑न्त पूर्वे ॥ 29 (50/56)

T.S. 4.7.14.2 - Kramam

पूर्वे॑ऽरि॒ष्टाः । अ॒रि॒ष्टाः स्या॑म । स्या॑म त॒नुवा॑ ॥ त॒नुवा॑ सु॒वीराः॑ । सु॒वीरा॑
इति॑ सु – वी॒राः ॥ म॒ह्यम् य॑जन्तु । य॒जन्तु॑ म॒म । म॒म या॑नि । या॑नि
ह॒व्या । ह॒व्याऽऽकू॑तिः । आ॒कू॒तिः स॒त्या । आ॒कू॒तिरि॒त्या – कू॑तिः ।
स॒त्या म॒नसः॑ । म॒नसो॑ मे । मे अ॒स्तु । अ॒स्त्वित्य॑स्तु ॥ ए॒नो मा॑ ।
मा नि॑ । नि गा॑म् । गा॑म् क॒तम॑त् । क॒तम॑च् च॒न । च॒नाह॑म् । अ॒हम्
वि॒श्वे ॥ वि॒श्वे दे॒वासः॑ । दे॒वासो॑ अ॒धिः । अ॒धि वो॑चत । वो॒चता॑ मे ।
म इति॑ मे ॥ दे॒वीः ष॒डुर्वीः॑ । ष॒डुर्वी॑रु॒रु । ष॒डुर्वी॑रि॒ति षट् – उ॒र्वीः ।
उ॒रुणः॑ । नः कृ॑णोत । कृ॑णोत वि॒श्वे । वि॒श्वे दे॒वासः॑ । दे॒वास॑ इ॒ह ।

इ॒ह वी॒रय॑द्ध्वम् । वी॒रय॑द्ध्वमि॒ति वी॒रय॑द्ध्वम् ॥ मा हा॑स्महि ।
 हा॑स्महि प्र॒जया॑ । प्र॒जया॑ मा । प्र॒जये॑ति प्र – जया॑ । मा त॒नूभिः॑ ।
 त॒नूभिर् मा । मा र॑धाम । र॒धाम॑ द्विष॒ते । द्विष॒ते सोम॑ । सोम॑ रा॒जन् ।
 रा॒जन्नि॑ति रा॒जन् ॥ अ॒ग्निर् म॒न्युम् । म॒न्युम् प्र॑ति॒नुद॑न् । प्र॒ति॒नुद॑न्
 पु॒रस्ता॑त् । प्र॒ति॒नुद॑न्निति॒ प्रति॑ – नुद॑न् । पु॒रस्ता॑दद॒ब्धः । 30 (50/54)

T.S. 4.7.14.3 - Kramam

अद॒ब्धो गो॒पाः । गो॒पाः परि॑ । गो॒पा इति॑ गो – पाः । परि॑ पाहि ।
 पाहि॒ नः । न॒स्त्वम् । त्वमि॒ति त्वम् ॥ प्र॒त्यञ्चो॑ यन्तु । यन्तु॑ नि॒गुतः॑ ।
 नि॒गुतः॑ पुनः॑ । नि॒गुत॑ इति॒ नि – गुतः॑ । पुन॒स्ते । तेऽमा॑ । अ॒मैषाम्॑ ।
 ए॒षाम् चि॒त्तम् । चि॒त्तम् प्र॒बुधा॑ । प्र॒बुधा॑ वि । प्र॒बुधे॑ति प्र – बुधा॑ ।
 वि ने॑शत् । ने॒शदि॑ति ने॒शत् ॥ धा॒ता धा॑तृ॒णाम् । धा॑तृ॒णाम् भुव॑नस्य ।
 भुव॑नस्य यः । यस्प॑तिः । पति॑र् दे॒वम् । दे॒वꣳ स॑वि॒तारम्॑ ।
 स॒वि॒तार॑मभि॒माति॑षाहम् । अ॒भि॒मा॒ति॒षाह॑मित्यभि॒माति॑ – साहम् ॥
 इ॒मम् य॑ज्ञम् । य॒ज्ञम॑श्चि॒ना । अ॒श्चि॒नो॒भा । उ॒भा बृ॑ह॒स्पतिः॑ ।
 बृ॑ह॒स्पति॑ दे॒वाः । दे॒वाः पा॑न्तु । पा॑न्तु यज॑मानम् ।
 यज॑मानम् न्य॒र्थात् । न्य॒र्थादि॑ति॒ नि – अ॒र्थात् ॥ उ॒रु॒व्यचा॑ नः ।

उ॒रु॒व्य॒चा॒ इत्यु॒रु – व्य॒चाः॑ । नो॒ म॒हि॒षः॑ । म॒हि॒षः॑ श॒र्म । श॒र्म
य॒स॒त् । य॒स॒द॒स्मिन् । अ॒स्मिन् ह॒वे॑ । ह॒वे॑ पु॒रु॒हू॒तः । पु॒रु॒हू॒तः
पु॒रु॒क्षु । पु॒रु॒हू॒त इति॑ पु॒रु – हू॒तः । पु॒रु॒क्ष्विति॑ पु॒रु॒क्षु ॥ स॒ नः॑ । नः॑
प्र॒जा॒यै॑ । प्र॒जा॒यै॑ ह॒र्य॒श्च । प्र॒जा॒या इति॑ प्र – जा॒यै॑ । ह॒र्य॒श्च मृ॒ड॒य॒ ।
ह॒र्य॒श्चेति॑ ह॒रि – अ॒श्च । मृ॒ड॒ये॒न्द्र । इ॒न्द्र मा॑ () ।

मा॒ नः॑ । 31 (50/57)

T.S. 4.7.14.4 - Kramam

नो॒ री॒रि॒षः॑ । री॒रि॒षो मा॑ । मा॒ प॒रा । प॒रा दाः॑ । दा॒ इति॑ दाः॑ ॥
ये॒ नः॑ । नः॑ स॒प॒त्नाः॑ । स॒प॒त्ना अप॑ । अप॒ ते । ते भ॑वन्तु ।
भ॒व॒न्ति॒न्द्रा॒ग्नि॒भ्याम् । इ॒न्द्रा॒ग्नि॒भ्याम् ।
इ॒न्द्रा॒ग्नि॒भ्यामि॒तीन्द्रा॒ग्नि – भ्याम् । अ॒व बा॑धामहे । बा॒धा॒म॒हे तान् ।
तानि॑ति॒ तान् ॥ व॒स॒वो रु॒द्राः॑ । रु॒द्रा आ॑दि॒त्याः । आ॒दि॒त्या
उ॒प॒रि॒स्पृ॒शम् । उ॒प॒रि॒स्पृ॒शम् मा॑ । उ॒प॒रि॒स्पृ॒शमि॒त्यु॒परि॑ – स्पृ॒शम् ।
मो॒ग्रम् । उ॒ग्रम् चे॑त्ता॒रम् । चे॑त्ता॒रम॒धि॒रा॒जम् । अ॒धि॒रा॒जम॑क्रन् ।
अ॒धि॒रा॒जमि॒त्यधि॑ – रा॒जम् । अ॒क्र॒न्ति॒त्यक्र॑न् ॥ अ॒र्वा॒ञ्च॒मि॒न्द्रम् ।
इ॒न्द्रम॑मु॒तः । अ॒मु॒तो ह॑वा॒म॒हे । ह॒वा॒म॒हे यः॑ । यो गो॑जि॒त् ।

गो॒जिद् ध॒न॒जि॒त् । गो॒जि॒दि॒ति गो – जि॒त् । ध॒न॒जि॒दश्च॒जि॒त् ।
 ध॒न॒जि॒दि॒ति ध॒न – जि॒त् । अ॒श्व॒जि॒द् यः । अ॒श्व॒जि॒दि॒त्यश्च – जि॒त् ।
 य इति॑ यः ॥ इ॒मम् नः । नो॒ य॒ज्ञम् । य॒ज्ञम् वि॒ह॒वे ।
 वि॒ह॒वे जु॒ष॒स्व । वि॒ह॒व इति॑ वि॒ह॒वे । जु॒ष॒स्वा॒ऽस्य । अ॒स्य कु॒र्मः ।
 कु॒र्मो ह॒रि॒वः । ह॒रि॒वो मे॒दि॒नम् । ह॒रि॒व इति॑ ह॒रि – वः ।
 मे॒दि॒नम् त्वा । त्वेति॑ त्वा ॥ 32 (43/51)

(व॒नि॒ष॒न्त – पु॒र॒स्ता॒न् – मा – त्रि॒च॒त्वा॒रि॒ञ्श॒च्च) (A14)

T.S. 4.7.15.1 - Kramam

अ॒ग्नेर् म॒न्वे । म॒न्वे प्र॒थ॒म॒स्य । प्र॒थ॒म॒स्य प्र॒चे॒त॒सः । प्र॒चे॒त॒सो यम् ।
 प्र॒चे॒त॒स इति॑ प्र॒चे॒त॒सः । यम् पा॒ञ्च॒ज॒न्यम् । पा॒ञ्च॒ज॒न्यम् ब॒ह॒वः ।
 पा॒ञ्च॒ज॒न्य॒मि॒ति पा॒ञ्च – ज॒न्यम् । ब॒ह॒वः स॒मि॒न्ध॒ते । स॒मि॒न्ध॒त
 इति॑ स॒म् – इ॒न्ध॒ते ॥ वि॒श्व॒स्याम् वि॒शि । वि॒शि प्र॒वि॒वि॒शि॒वा॒ऽस॒म् ।
 प्र॒वि॒वि॒शि॒वा॒ऽस॒मी॒म॒हे । प्र॒वि॒वि॒शि॒वा॒ऽस॒मि॒ति प्र॒वि॒वि॒शि॒वा॒ऽस॒म् ।
 ई॒म॒हे सः । स नः । नो॒ मु॒ञ्च॒तु । मु॒ञ्च॒त्व॒ह॒सः ।
 अ॒ह॒स इत्य॑ह॒सः ॥ य॒स्ये॒दम् । इ॒दम् प्रा॒ण॒त् । प्रा॒ण॒न्नि॒मि॒ष॒त् ।
 प्रा॒ण॒दि॒ति प्र – अ॒न॒त् । नि॒मि॒ष॒द् यत् । नि॒मि॒ष॒दि॒ति नि – मि॒ष॒त् ।

यदे॒जति॑ । ए॒जति॑ यस्य॑ । यस्य॑ जा॒तम् । जा॒तम् जन॑मानम् ।
 जन॑मानम् च । च॒ के॒वलम् । के॒वल॒मिति॑ के॒वलम् ॥ स्तौ॑म्य॒ग्निम् ।
 अ॒ग्निम् ना॑थितः । ना॒थितो॑ जो॒हवी॑मि । जो॒हवी॑मि सः । स नः ।
 नो॒ मुञ्च॑तु । मुञ्च॑त्व॒हसः॑ । अ॒हस॑ इत्य॒हसः॑ ॥ इन्द्र॑स्य मन्ये ।
 मन्ये॒ प्रथ॑मस्य । प्रथ॑मस्य प्र॒चेत॑सः । प्र॒चेत॑सो वृ॒त्रघ्नः॑ । प्र॒चेत॑स
 इति॑ प्र – चे॒तसः॑ । वृ॒त्रघ्नः॑ स्तो॒माः ॥ वृ॒त्रघ्न॑ इति॑ वृ॒त्र – घ्नः॑ ।
 स्तो॒मा उप॑ । उप॒ माम् । मा॒मुपा॑गुः । उ॒पागु॑रित्युप – आ॒गुः ।
 यो दा॒शुषः॑ । दा॒शुषः॑ सु॒कृतः॑ । सु॒कृतो॑ हव॒म् । सु॒कृत॑ इति॑
 सु – कृतः॑ । हव॒मुप॑ । उप॒ गन्ता॑ ॥ गन्ता॑ सः । 33 (50/58)

T.S. 4.7.15.2 - Kramam

स नः । नो॒ मुञ्च॑तु । मुञ्च॑त्व॒हसः॑ । अ॒हस॑ इत्य॒हसः॑ ॥
 यः स॒ङ्ग्राम॑म् । स॒ङ्ग्राम॑म् नयति॑ । स॒ङ्ग्राम॑मिति॑ सम् – ग्रा॒मम् ।
 नयति॑ सम् । सम् व॑शी । व॒शी यु॒धे । यु॒धे यः॑ । यः पु॒ष्टानि॑ ।
 पु॒ष्टानि॑ स॒सृज॑ति । स॒सृज॑ति त्रया॑णि । स॒सृज॑तीति॑
 सम् – सृ॒जति॑ । त्रया॑णीति॑ त्रया॑णि ॥ स्तौ॑मीन्द्र॒म् । इन्द्र॑म् ना॒थितः॑ ।
 ना॒थितो॑ जो॒हवी॑मि । जो॒हवी॑मि सः । स नः । नो॒ मुञ्च॑तु ।

मुञ्च॒त्व॒ह॒सः । अ॒ह॒स॒ इत्य॒ह॒सः ॥ म॒न्वे॒ वा॒म् ।
वा॒म् मि॒त्रा॒व॒रु॒णा । मि॒त्रा॒व॒रु॒णा त॒स्य॑ । मि॒त्रा॒व॒रु॒णेति॑ मि॒त्रा-व॒रु॒णा ।
त॒स्य॑ वि॒त्त॒म् । वि॒त्त॒म् स॒त्यौ॒ज॒सा । स॒त्यौ॒ज॒सा दृ॒ह॒णा ।
स॒त्यौ॒ज॒सेति॑ स॒त्य॑ - ओ॒ज॒सा । दृ॒ह॒णा य॒म् । य॒म् नु॒देथे॑ । नु॒देथे॑
इति॑ नु॒देथे॑ ॥ या॒ रा॒जा॒न॒म् । रा॒जा॒न॒म् स॒रथ॑म् । स॒रथ॑म् या॒थः ।
स॒रथ॑मि॒ति स॒ - रथ॑म् । या॒थ उ॒ग्रा । उ॒ग्रा ता॑ । ता॑ नः॑ ।
नो॒ मुञ्च॒त॒म् । मुञ्च॒त॒मा॒ग॒सः । आ॒ग॒स॒ इत्या॒ग॒सः ॥ यो॒ वा॒म् ।
वा॒म् रथः॑ । रथ॑ ऋ॒जुर॒श्मिः । ऋ॒जुर॒श्मिः स॒त्य॒ध॒र्मा ।
ऋ॒जुर॒श्मि॒रित्यृ॒जु - र॒श्मिः । स॒त्य॒ध॒र्मा मि॒थु । स॒त्य॒ध॒र्मेति॑
स॒त्य॑ - ध॒र्मा । मि॒थुश्च॒रन्त॑म् । च॒रन्त॑मु॒प॒या॒ति । उ॒प॒या॒ति दू॒षय॑न् ।
उ॒प॒या॒तीत्यु॒प - या॒ति । दू॒षय॑न्निति॑ दू॒षय॑न् ॥
स्तौ॒मि मि॒त्रा॒व॒रु॒णा । 34 (50/58)

T.S. 4.7.15.3 - Kramam

मि॒त्रा॒व॒रु॒णा ना॒थि॒तः । मि॒त्रा॒व॒रु॒णेति॑ मि॒त्रा - व॒रु॒णा । ना॒थि॒तो
जो॒ह॒वी॒मि । जो॒ह॒वी॒मि तौ॑ । तौ॑ नः॑ । नो॒ मुञ्च॒त॒म् । मुञ्च॒त॒मा॒ग॒सः ।
आ॒ग॒स॒ इत्या॒ग॒सः ॥ वा॒योः स॒वि॒तुः । स॒वि॒तुर् वि॒द॒थानि॑ ।

वि॒द॒था॒नि॒ म॒न्म॒हे॒ । म॒न्म॒हे॒ यौ॒ । या॒वा॒त्म॒न्वत्॒ । आ॒त्म॒न्वद् बि॒भृ॒तः॑ ।
 आ॒त्म॒न्वदि॒त्या॒त्म॒न् - वत्॑ । बि॒भृ॒तो यौ॒ । यौ च॑ । च॒ रक्ष॑तः ।
 रक्ष॑त इति॑ रक्ष॑तः ॥ यौ विश्व॑स्य । विश्व॑स्य परि॒भू । परि॒भू ब॒भूव॑तुः ।
 परि॒भू इति॑ परि॒ - भू । ब॒भूव॑तुस्तौ । तौ नः॑ । नो मुञ्च॑तम् ।
 मुञ्च॑तमाग॑सः । आग॑स इत्याग॑सः ॥ उप॒ श्रेष्ठाः॑ । श्रेष्ठा॑ नः ।
 न आ॒शिषः॑ । आ॒शिषो॑ दे॒वयोः॑ । आ॒शिष॒ इत्या॑ - शिषः॑ । दे॒वयो॑र्
 ध॒र्म॑ । ध॒र्म॑ अ॒स्थिर॑न् । अ॒स्थिर॑न्नित्य॑स्थिर॑न् ॥ स्तौमि॑ वा॒युम् ।
 वा॒युꣳ स॒वि॒तार॑म् । स॒वि॒तार॑म् नाथि॑तः । नाथि॑तो जो॒हवी॑मि ।
 जो॒हवी॑मि तौ । तौ नः॑ । नो मुञ्च॑तम् । मुञ्च॑तमाग॑सः । आग॑स
 इत्याग॑सः ॥ र॒थी॒तमौ॑ र॒थी॒नाम् । र॒थी॒तमा॒विति॑ र॒थि - त॒मौ॑ ।
 र॒थी॒नाम॑ह्वे । अ॒ह्व ऊ॒तये॑ । ऊ॒तये॑ शु॒भम् । शु॒भम् ग॑मिष्ठौ ।
 ग॑मिष्ठौ सु॒यमे॑भिः । सु॒यमे॑भि॒रश्वैः॑ । सु॒यमे॑भि॒रिति॑ सु - यमे॑भिः ।
 अश्वै॑रित्य॑श्वैः ॥ ययो॑र् वाम् । 35 (50/56)

T.S. 4.7.15.4 - Kramam

वाम् दे॒वौ । दे॒वौ दे॒वेषु॑ । दे॒वेष्व॑नि॒शित॑म् । अ॒नि॒शि॒तमो॒जः॑ ।
 अ॒नि॒शि॒तमि॒त्यनि॑ - शि॒तम् । ओज॑स्तौ । तौ नः॑ । नो मुञ्च॑तम् ।

चतुर्थ काण्डे – सप्तमः प्रश्नः – (TS 4.7)

मुञ्च॒त॒मा॒ग॒सः॑ । आ॒ग॒स॒ इ॒त्या॒ग॒सः॑ ॥ यद॒या॒त॒म् । अ॒या॒त॒म् ँ॒व॒ह॒तु॒म् ।
व॒ह॒तु॒ꣳ सूर्या॒याः॑ ॥ सूर्या॒यास्त्रि॒च॒क्रेण॑ । त्रि॒च॒क्रेण॑ स॒ꣳस॒द॒म् ।
त्रि॒च॒क्रेणे॑ति त्रि – च॒क्रेण॑ । स॒ꣳस॒द॒मि॒च्छ॒मा॒नौ॑ । स॒ꣳस॒द॒मि॒ति॑
स॒म्-स॒द॒म् । इ॒च्छ॒मा॒ना॒वि॒ती॒च्छ॒मा॒नौ॑ ॥ स्तौ॒मि दे॒वौ । दे॒वा॒व॒श्वि॒नौ॑ ॥
अ॒श्वि॒नौ ना॒थि॒तः॑ । ना॒थि॒तो जो॒ह॒वी॒मि॒ । जो॒ह॒वी॒मि॒ तौ । तौ नः॑ ।
नो॒ मुञ्च॒त॒म् । मुञ्च॒त॒मा॒ग॒सः॑ । आ॒ग॒स॒ इ॒त्या॒ग॒सः॑ ॥ म॒रु॒ता॒म् म॒न्वे॑ ।
म॒न्वे॒ अधि॑ । अधि॑ नः । नो॒ ब्रु॒व॒न्तु॑ । ब्रु॒व॒न्तु॑ प्र । प्रे॒मा॒म् । इ॒मा॒म्
ँ॒वा॒च॒म् । वा॒च॒म् ँ॒वि॒श्वा॒म् । वि॒श्वा॒म॒व॒न्तु॑ । अ॒व॒न्तु॑ वि॒श्वे॑ ॥ वि॒श्व इति॑
वि॒श्वे॑ ॥ आ॒शून् हु॒वे॑ । हु॒वे॒ सू॒य॒मा॒न् । सु॒य॒मा॒नू॒तये॑ ॥ सु॒य॒मा॒नि॒ति॑
सु – य॒मा॒न् । ऊ॒तये॑ ते । ते नः॑ । नो॒ मुञ्च॒न्तु॑ । मुञ्च॒त्वे॒न॒सः॑ ।
ए॒न॒स॒ इत्ये॒न॒सः॑ ॥ ति॒ग्म॒मा॒यु॒ध॒म् । आ॒यु॒ध॒म् ँ॒वी॒डि॒त॒म् ।
वी॒डि॒त॒ꣳ स॒ह॒स्व॒त् । स॒ह॒स्व॒द् दि॒व्य॒म् । दि॒व्यꣳ श॒र्द्धः॑ ।

श॒र्द्धः॑ पृ॒त॒ना॒सु॑ । 36 (50/54)

T.S. 4.7.15.5 - Kramam

पृ॒त॒ना॒सु जि॒ष्णु॑ । जि॒ष्णिव॑ति जि॒ष्णु॑ ॥ स्तौ॒मि दे॒वान् । दे॒वान् म॒रु॒तः॑ ।
म॒रु॒तो ना॒थि॒तः॑ । ना॒थि॒तो जो॒ह॒वी॒मि॒ । जो॒ह॒वी॒मि॒ ते । ते नः॑ ।

नो॑ मु॒ञ्चन्तु॑ । मु॒ञ्चन्त्वे॑नसः । ए॒नस॒ इत्ये॑नसः । दे॒वाना॑म् मन्वे ।
मन्वे॑ अ॒धि । अ॒धि नः॑ । नो॑ ब्रु॒वन्तु॑ । ब्रु॒वन्तु॑ प्र । प्रे॒माम् । इ॒माम्
वा॒चम् । वा॒चम् वि॒श्वाम्॑ । वि॒श्वाम॑वन्तु । अ॒वन्तु॑ वि॒श्वे । वि॒श्व इति॑
वि॒श्वे ॥ आ॒शून् हु॒वे । हु॒वे सु॒यमा॑न् । सु॒यमा॑नूतये॑ । सु॒यमा॑निति॑
सु – य॒मान् । ऊ॒तये॑ ते । ते नः॑ । नो॑ मु॒ञ्चन्तु॑ । मु॒ञ्चन्त्वे॑नसः ।
ए॒नस॒ इत्ये॑नसः ॥ य॒दि॒दम् । इ॒दम् मा॑ । मा॒ऽभि॒शोच॑ति ।
अ॒भि॒शोच॑ति पौ॒रुषे॑येण । अ॒भि॒शोच॑तीत्य॒भि – शोच॑ति । पौ॒रुषे॑येण
दै॒व्येन॑ । दै॒व्येने॑ति दै॒व्येन॑ ॥ स्तौ॑मि वि॒श्वान् । वि॒श्वान् दे॒वान् । दे॒वान्
ना॒थि॒तः । ना॒थि॒तो जो॑हवीमि । जो॒हवी॑मि ते । ते नः॑ । नो॑ मु॒ञ्चन्तु॑ ।
मु॒ञ्चन्त्वे॑नसः । ए॒नस॒ इत्ये॑नसः । अ॒नु नः॑ । नो॒ऽद्य । अ॒द्यानु॑मतिः ।
अ॒नुम॑तिरनु॑ । अ॒नुम॑तिरित्यनु॑ – म॒तिः । अ॒न्वित् । 37 (50/53)

T.S. 4.7.15.6 - Kramam

इ॒दनु॑मते । अ॒नुम॑ते त्वम् । अ॒नुम॑त इत्यनु॑ – म॒ते । त्वम् वै॑श्वान॒रः ।
वै॒श्वान॒रो नः॑ । न ऊ॒त्या । ऊ॒त्या पृ॒ष्ठः । पृ॒ष्ठो दि॒वि । दि॒वीति॑ दि॒वि ॥
ये अ॒प्र॒थेता॑म् । ये इति॑ ये । अ॒प्र॒थेता॑ममि॒तेभिः॑ ।
अमि॒तेभि॒रोजो॑भिः । ओजो॑भिर् ये । ओजो॑भिरि॒त्यो॒जः – भिः॑ ।

चतुर्थ काण्डे – सप्तमः प्रश्नः – (TS 4.7)

ये प्रति॒ष्ठे । ये इति॒ ये । प्रति॒ष्ठे अभ॒वताम् । प्रति॒ष्ठे इति॒ प्रति – स्थे ।
अभ॒वताम् व॒सूनाम् । व॒सूना॒मिति॒ वसू॒नाम् ॥ स्तौमि॒ द्यावा॑पृथि॒वी ।
द्यावा॑पृथि॒वी नाथि॒तः । द्यावा॑पृथि॒वी इति॒ द्यावा॑ – पृथि॒वी । नाथि॒तो
जो॒ह॒वि॒मि । जो॒ह॒वि॒मि ते । ते नः । ते इति॒ ते । नो मुञ्च॒तम् ।
मुञ्च॒तम् अ॒हसः । अ॒हस इत्य॒हसः ॥ उ॒र्वी रोद॑सी । उ॒र्वी इत्यु॒र्वी ।
रोद॑सी वरि॒वः । रोद॑सी इति॒ रोद॑सी । वरि॒वः कृ॒णोत॑म् । कृ॒णोत॑म्
क्षे॒त्रस्य॑ । क्षे॒त्रस्य॑ प॒त्नी । प॒त्नी अ॒धि । प॒त्नी इति॒ पत्नी॑ । अ॒धि नः ।
नो ब्रू॒यात॑म् । ब्रू॒यात॑मिति॒ ब्रू॒यात॑म् ॥ स्तौमि॒ द्यावा॑पृथि॒वी । द्यावा॑पृथि॒वी
नाथि॒तः । द्यावा॑पृथि॒वी इति॒ द्यावा॑ – पृथि॒वी । नाथि॒तो जो॒ह॒वि॒मि ।
जो॒ह॒वि॒मि ते । ते नः । ते इति॒ ते । नो मुञ्च॒तम् । मुञ्च॒तम् अ॒हसः ।
अ॒हस इत्य॒हसः ॥ यत् ते॑ । ते व॒यम् ।
व॒यम् पु॒रुष॑त्रा । पु॒रुष॑त्रा यवि॒ष्ठ । पु॒रुष॑त्रेति॒ पु॒रुष – त्रा ।
यवि॒ष्ठाऽवि॒द्वाऽसः॑ । अवि॒द्वाऽसश्च॑कृ॒म । च॒कृ॒मा क॒त् । कच् च॒न () ।
च॒नाऽऽगः॑ । 38 (50/63)

T.S. 4.7.15.7 - Kramam

आ॒ग इ॒त्यागः॑ ॥ कृ॒धी सु॑ । स्व॒स्मान् । अ॒स्मा॒ अ॒दितेः॑ ।
 अ॒दिते॒रना॑गाः । अ॒नागा॑ वि । व्येना॑सि । ए॒ना॑सि शि॒श्रथः॑ ।
 शि॒श्रथो॑ वि॒ष्वक् । वि॒ष्वग॑ग्ने । अ॒ग्न इ॒त्यग्ने॑ ॥ यथा॑ ह । ह॒ तत् ।
 तद् व॒सवः॑ । व॒सवो॑ गौ॒र्यम्॑ । गौ॒र्यम् चि॒त् । चि॒त् प॒दि । प॒दिषि॒ताम् ।
 सि॒ताम॑मुञ्चत । अ॒मुञ्च॑ता यज॒त्राः । य॒ज॒त्रा इति॑ यज॒त्राः । ए॒वा त्वम् ।
 त्वम॑स्मत् । अ॒स्मत् प्र॑ । प्र॒ मुञ्च॑ । मु॒ञ्चा वि॑ । व्य॒हः । अ॒हः प्र॑ ।
 प्रा॒ता॒रि । अ॒ता॒र्य॒ग्ने । अ॒ग्ने प्र॒तरा॑म् । प्र॒तरा॑म् नः ।
 प्र॒तरा॑मिति॑ प्र – त॒राम् । न॒ आयुः॑ । आयु॒रित्यायुः॑ ॥ 39 (34/35)
 (गन्ता॑ – दू॒षय॑न्थ् स्तौमि – ययोः॑ – श॒र्द्धोऽ – नु॑मति॒रनु॑ – च॒न –
 चतु॑स्त्रि॒ंशच्च॑) (A15)

Prasna Korvai with starting Padams of 1 to 15 Anuvaakams :-

अ॒ग्नावि॑ष्णु – ज्यै॒ष्ठ्य॒ञ्च – श॒ञ्चो – क॒र्चा – ऽ॒श्मा चा॑ – ग्निश्चा॑
 – ऽ॒ञ्शु – श्वे॒द्ध्मश्चा॑ – ऽ॒ग्निश्च॑ घ॒र्मा – ग॒र्भा – श्वै॒का च॑ –
 वा॒जो नो॑ – अ॒ग्निम् यु॑न॒ज्मि – म॒मा॒ग्ने – अ॒ग्नेर्म॑न्व –
 प॒ञ्चद॑श ।

चतुर्थ काण्डे – सप्तमः प्रश्नः – (TS 4.7)

Korvai with starting Padams of 1, 11, 21 Series of Panchaatis :-

(अ॒ग्ना॒वि॒ष्णू – अ॒ग्नि॒श्च – वा॒जो॒ नो – अ॒द॒ब्धो॒ गो॒पा –
न॒व॒त्रिं॒शत्)

First and Last Padam of Seventh Prasnam of Kandam 4:-

(अ॒ग्ना॒वि॒ष्णू – प्र॒त॒रान्न॒ आयुः)

Kaanda Korvai with starting Padams of 7 Prasanas of Kandam 4:

(यु॒ञ्जानो॒ – वि॒ष्णो – र॒पा॒ – र॒श्मि – न॒मो – ऽश्म॒ –
अ॒ग्ना॒वि॒ष्णू – स॒प्त)

॥ हरिः । ओम् ॥

॥ इति चतुर्थ काण्डे सप्तमः प्रश्नः समाप्तः ॥

॥ इति चतुर्थम् काण्डम् ॥

तैत्तिरीय संहिता क्रम पाठे (TS 4.7)

Details of Panchati , Padam and Krama Vaakyam for Kandam 4 – Prasanam 7 – TS 4.7

	Panchati	Padams	Krama Vaakyams
Anuvakam 1	2	118	127
Anuvakam 2	2	114	121
Anuvakam 3	2	108	115
Anuvakam 4	2	114	119
Anuvakam 5	2	98	100
Anuvakam 6	2	121	122
Anuvakam 7	2	84	98
Anuvakam 8	1	66	75
Anuvakam 9	1	68	72
Anuvakam 10	2	90	102
Anuvakam 11	2	111	131
Anuvakam 12	3	152	171
Anuvakam 13	5	237	262
Anuvakam 14	4	193	218
Anuvakam 15	7	334	377
Total →	39	2008	2210

चतुर्थ काण्डे – सप्तमः प्रश्नः – (TS 4.7)

Details of Anuvakam, Panchati , Padam and Krama Vaakyam for Kandam 4 (4.1 to 4.7)

	Anuvakam	Panchati	Padams	Krama Vaakyams
Prasna 1	11	46	2293	2557
Prasna 2	11	48	2498	2767
Prasna 3	13	36	1844	2195
Prasna 4	12	37	1887	2248
Prasna 5	11	27	1234	1417
Prasna 6	9	46	2331	2676
Prasna 7	15	39	2008	2210
Totals	82	279	14095	16070